


明宏治十六年鴈門李舉刻本

元薩天錫詩集



薩天錫詩集序



仲詩而至於化始可以為詩而足
以存世傳後矣苟詩而不必於
化徒抽黃而對白沿流以失源猶
前人之陳腐昧造詣之神化如此
而理之詩者吾亦不之許也少陵

云以須書破萬卷下筆如有神
孟子云大可為也化不可為也
所謂讀書破萬卷者大可為
也所謂下筆如有神者化不可
為也大而至於能化可以謂之
神而為詩道之極矣吾觀前

元進士薩天錫之詩嘆羨仰慕
之無已是不獨予之如此舉天
下後世之知詩者多不嘆羨仰
慕之無已也是何也天錫之詩
大而不能化之詩也語句雖鈍厚
而自有銛然之芒剌對偶雖粗

語不自有鏘然之音律小而窈
寥之簡大而春容之繁莫不皆
具體而成章有條而不紊也其
所以神化而超出於衆表者殆
猶天馬行空而步驟不凡神蛟
混海而隱混莫測成鳳儀廷

而光彩踴躍莫不律身觀而快觀
也是二者皆能神化為稀世之
珍而非尋常鱗介羽族駑駘之
所可匹儔也人之聾瞽者不足
以語之苟有聰明聞見於此者
不嘆羨而自嘆以終不仰慕而自仰

恭皇假刑驅勢迫而我哉克倚
太守閔西趙公廷將以名進士
起家書無不讀最知詩而好集
古詩者也見是編而甚喜不敢
自私於一已將繡梓以播於衆
人謂予宜序其所由來予非

知詩者見其所作之能化竊有
以嘆嗟仰慕揚不能生於同時
與之周旋於騷壇綢繹乎作之
之肯繁而予有所不辭也

成化二十五年歲在乙巳仲春花朝日
賜進士第朝列大夫致仕叅議寓

宣克玉田劉子鍾廷振謹書

予平生性拙苦不能詩及官刑曹
見同寅沂水楊文卿集古遂酷好
之乃遍求唐宋以來諸名家詩集
而錄之一日得元薩天錫詩集於
仁和沈文進見其詞氣雄渾清雅
興寄高遠讀之令人自不能釋手
予甚珍之惜其無刊本而所傳不
廣於是乃捐俸銀梓以廣其傳

俾同志者得以共覽云

成化二十一年春二月一日

賜進士中順大夫知兗州府事前刑部
員外郎關中趙蘭廷猗謹識

天錫薩先生為同郡先
達其詩集傳播于世
前人為之備矣余何言
哉板刻歲久魯魚浸
多恐後學不便觀覽乃
稍俸資重綉諸梓以

廣其傳云

弘治十六年一歲在癸亥

七月既望東昌知府鴈


門李舉識



薩天錫詩集

五言絕句

過紫微菴訪馮道士三首



道士愛幽居年來一事無
盆池新過雨石上種
菖蒲

山中華蓋洞石氣冷蕭蕭
不見眠雲客惟逢避
雨樵

研珠滴露清自點太玄經
盡日無人到小窓
蘭葉青

雪霽過青溪題道士江野舟南館二絕

孤舟橫野水門外雪晴初白日莫放鶴青溪閑
釣魚

江南正月半猶自有梅花踏雪去何處青溪道
士家

過高郵射陽湖雜詠九首

飄蕭樹梢風浙瀝湖上雨不見打魚人菰蒲鴈
相語

秋風吹白波秋雨鳴敗荷平湖三十里過客感
秋多

野鶴如人長迎風理毛羽獨立秋雨涼人來忽

飛去

雨濕鼓聲重風勻湖面平官船南北去帆影掛
新晴

白鷺愛秋水獨立仍自行得魚固偶爾驚飛亦
常情

秋水落紅衣秋波日瀟灑不見採蓮人惟逢捕
魚者

霜落大湖淺漁家懸破罾此時生計別小艇賣
秋菱

捕魚湖中水賣魚城市裏夫婦一葉舟白頭共

生死

大曾一丈濶小舟一葉輕相傳子與孫終古無人爭

病中雜詠七首

十日九風雨深秋獨閉門積陰須自散倚杖望

朝暾

為客家千里思歸月滿樓水犀開欲盡病裏過

中秋

門繫青驄馬多應問病人小官好踈散莫訝懶

衣巾

病形如瘦鶴魚影向清池自有冲霄志游魚莫見疑

風葉高下落秋砧遠近聞天涯多病客倚杖看孤雲

陶令貧無酒郎官菊也無家僮燒柿葉隣舍送茱萸

多病東廳客深秋出幕遲芙蓉開也未葉上好題詩

六言

次韻與德明小友

烟雨短篷水口人家亂石山前送別莫忘今日
相逢知在何年

莫笑風飡水宿暫離馬足車塵兩岸好山送客
一江細雨歸人

舟中題畫卷

兩岸好山如畫丹崖翠壁樓臺愛殺南閩風景
小官何日歸來

五言律詩

送聞師之五臺

聞子初識面天涯任去留西風洞庭樹落日楚
淮舟歲月棕鞋底江湖竹杖頭丹陽纔洗鉢又
入五臺遊

題北固山無傳上人小樓

甕城春寂々石磴草斑々倚杖高低月登樓遠
近山百年詩句裏三國酒杯間自嘆黃塵客來
消半日閑

送石民瞻過吳江訪友

老友吳江去吳江水尚高一樽散鱸膾四月過
櫻桃矍鑠綠玉杖風流白紵袍西窓故人夜應
是動揮毫

鍾山曉行

樓閣龍雲氣蒼茫第幾峯長風萬松雨落月半
山鐘石磴盤空險僧廊落葉重吾皇曾駐蹕千
古說蟠龍

和學士伯生虞先生寄韻

白鬢眉山老玉堂清晝閑名滿天下翰墨落
人間才俊賈太傅行高元魯山獨憐江海客樽

酒夜闌珊

投宿龍潭道林寺

倦遊借禪榻客意稍從容落日江船鼓孤灯野
寺鐘竹鷄啼雨過山白帶雲春半夜波濤作長
潭起臥龍

寄舍弟天與

鴻鴈飛南北閩河隔弟兄水通鄖子國身泊漢
陽城落木風霜下高秋鼓角清故人如問訊為
我道鄉情

送景南亭上人歸江西

登高傷遠別鴻鴈幾行飛萬木江頭落一僧船
上歸故山秋嶂遠殘日晚鐘微亦有同袍者多
應候竹扉

借趙逢吉避暑石頭城日暮余歸逢吉
留宿山中次日寄逢吉并長老珪白巖
仔下一僧坐城頭獨客還星河下平地風露滿
空山犬吠松林外灯明石壁間故人借禪榻心
共白雲閑

鳳凰臺望祭進士鄭復初錄事

已矣鄭錄事功名與頭遠鬢如插戟體弱不

勝衣白日長江去青山何處歸崇臺三酌酒日
斷鴈南飛

夜宿昇龍觀

舊日宸遊地朱欄護輦紋龍飛九天雨鶴夢一
龕雲神火丹爐見仙音客枕聞殷勤謝道士深
夜禮茅君

秋日雨中登石頭城訪長老珪白岩不遇
石頭城上去紅葉雨紛；半日不見路四山都
是雲魚龍隨水上鐘磬隔江聞遙憶南在叟天
寒補衲裙

同朱舜咨王伯循登金山妙高臺
幾年無此客同上妙高臺落日地中去長江天
際采英雄成往事歲月付啣盃無限登臨意舟
人莫重催

寄御史王伯循

曠達王夫子才高早避名昨離建業水今住廣
陵城有酒從人飲無田藉筆耕竹西灯火夜誰
識繡衣行

九月七日舟次寶應縣雨中與天與弟別
解纜不忍發船頭雨濕衣汝兄猶是客吾弟獨

先歸行役關河遠虛名骨肉稀如何淮
鴈下
作一行飛

泊舟黃河口登岸試弓

泊舟黃河口登岸試長弓控弦滿明月脫箭出
秋風旋拂衣上露仰射天邊鴻詞人多膽氣誰
許萬夫雄

送南臺後事劉子謙之遼東

徃復 萬里嗟君已兩行朔風吹野草寒日下
邊城第馬犯霜雪逢人問路程歸期在何日應
是近新正

錄囚河間還司送憲使韓仲宜調山東
尚想分司日人生類轉逢同行三伏盡此別幾
時逢雪竇泉花白霜林柿葉紅山東好風景少
駐莫匆

苦雨水溢呈憲司諸公

病客如僧懶多寒擁毳裘三山一夜雨四月滿
城秋海瘴連雲起江潮入市流釣竿如在手僕
可上漁舟

立秋日登烏石山和揚子承

海國山西園繁華坐消歇樓觀沉夕陽鴻雁下

秋色水邊無屨人石上多古刻感此暮歸逢秋
露滿山白

登烏石山仁王寺橫山閣

千尺青蓮座烟霞擁地靈山川幾綉屐日月兩
浮萍鳥沒大垂海龍歸水在瓶深堂說法夜應
有石頭聽

選觀志能分得君字忠能與僕同榜又
同南臺從事考滿此還

登臺曾並轡射策又同文八月中秋別三年此
日分風霜下太葉鴻鴈渡江雲無日不思我有

詩選寄君

過采石驛

客路青山外，鄉心落照邊。
潤烟浮野樹，涼雨過淮天。
水調誰家笛，江帆何處船。
錢眉臺上月，今夜照孤眠。

題焦山方丈壁和僧韻

故人不忍別，野景亦相留。
白鴈寒沙月，黃雲老樹秋。
風霜侵客髮，鼓角入邊愁。
滿日閑何興，登臨倦倚樓。

送李恕可隨王少師入京

借得茅山鶴，乘風飛上天。
江声近九里，客路已三千。
禁闕紅雲上，家鄉碧海邊。
待聞金馬詔，復見玉堂仙。

送莫秀才歸番陽

番陽秋水落，白下買船還。
遠夢驚新鴈，歸帆識舊灣。
打碑過薦福，携酒看芝山。
却憶曾遊處，清溪萬柳間。

寄朱縣尹

總入金川境，行、望眼賒。
亂山迷驛路，一水護人家。
地僻民安業，官清縣少衙。
江東賢令尹，心

地似梅華

寄石民瞻

京口石彭澤詩懷似鶴形
蒼天容老健白髮照
江清夜鼎烹鷄舌秋袍
緘鳳翎醉扶綠玉杖
應望石頭城

題舊縣驛

高樹日傳午斜飛燕子
風一身十里外孤館萬
山中作客辭家久聞人
問歲豐村桑柘柳羸
馬厭西東

題江東精舍

長日重門靜幽居曲徑深
開樽臨沼上移席就
簷陰竹亂鳥聲散萍開
魚影沉能文李公子抱
膝但長吟

題紫薇觀馮道士房

卜築長江上回峯晚更奇
山村猿索飯竹屋鶴
听甚雲護燒丹竈泉香
洗藥池道人足高興不
許俗人知

正覺寺晚歸贈益山長老

粥魚聲已罷日暮掩柴扉
送客月在地出山雲
滿衣燈明聞犬吠松暗
見螢飛深夜長廊靜多

應獨自歸

次崔鎮壁間韻

木落歲時晏黃雲欲雪天買舟河下客立馬渡
頭船野迥風欺帽天寒袖裹鞭夜眠三鼓後曉
發五更前

寄王御史

御史傳天語飛霜到海根浙江潮似雪關上贖
如春孤客見明月亂山愁遠人何時動歸興家
有白頭親

送管元帥齋經

楚帆風一葉此去幾時還日暮漢江碧雨晴湘
竹斑邊聲連草木野色動荆蠻決策平徭後歸
心北固山

過淮安暢曾伯都事幽居去首

萬事歸來好淮陰二畝園教見書滿架遇客酒
盈樽野水到門外漁船繫樹根除書下霄漢坐
席恐難溫

又

幽居有真趣何必在山村楚竹深藏屋淮河直
到門釣絲魚浪細書帙燕泥昏吟笑坐終日佳

期誰與言

過高唐感事

殘雪覆碧草，淒風吹未消。
主孫去不返，魂魄又誰招。
往事如春夢，無人問早朝。
荒陵斜照裏，松樹晚蕭蕭。

寄省郎郭天錫

人道省郎好，簿書清晝閑。
惟公不自喜，忽尔要思還。
酒債西湖路，歸心北固山。
閑愁且拋却，莫遣鬢毛斑。

送金德輝之句容

元宵能幾日，君去獨何心。
縣市春燈亂，山村夜雪深。
鄉情猶辨分詩句，畫唐音後會逢寒食晴。
光滿樹林

贈訢笑隱長老

佛宮天上有人世，見應稀客遇鐘鳴。
飯僧披御賜衣，青春忘蝶夢，白日訖龍飛。
遙憶宸遊處，金蓮照夜歸。

都下同翰林諸公送御史尚遊題紫騮馬

御史紫騮馬，今朝行且嘶。
遠烟芳草露，細雨落花泥。
蹋日飲淮水，隨雲過汴堤。
遙思鄉旆口，曉

立聽朝鷄

鍾山遇風雨二首

城市多駉馬清遊有幾人
山靈飛白雨朝士說
紅塵雲起鐘樓暝
桃開野寺春上人歸太晚誰
主復誰賓

又

遊樂有深處豈知行路難
山風吹馬倒松雨滴
花寒立壑籃輿轉
花臺石磴盤吾皇千萬壽曾
此駐金輦

龍潭送侍中田羨中携酒十里雪作

公子青駉馬追隨十里遙
風頭雲葉凍酒面雪
花消惜別頻回首無因見
舞腰君歸金帳暖無
限可憐宵

送道士良多冠還楚丘

淮水春帆動山城積雨餘
南臺去千里北闕有
三書白下曾行馬
黃河可膾魚廟堂公論在君
去莫躊躇

寄習思教

深冬殘雪夜醉臥玉山
樓風勁銀筆響花垂絳
燭流連床無客夢中
酒失鄉愁歲月如流水
憑

高憶舊遊

寄中臺照磨子微

中臺高百尺幕府得姚郎洗面風生雨鳴珂月
照霜詩成裁畫錦酒飲賜天香獨有無媒者臺
城立暎涼

病起城東晚步

秋病誰同步尋幽思不覺逢僧穿竹去吹笛隔
林聞山執淨雲合瀑流野水分無徇歸晚運樹
影月紛

次韻郭傳御

江左風流在長懷晉謝安愛山那厭世畏事却
嫌官雲霧天門遠風波世路難臺端有東郭白
髮漆紗冠

寄士岩臺郎

薦士如君子文章立玉泥自登臺閣去不使簿
書迷簿俸無餘積長貧有病妻長安貴公子中
酒聽鶯啼

送宣古木

鐵面小將軍旌旗照海門兵機出孫武膽氣走
桓溫社稷劍三尺乾坤酒一樽茫茫霄漢內此

意與誰論

過費似道廢宅

賈生亦何者此地起樓臺社稷無人物湖山養
禍胎前朝亡國恨遺跡後人衰落日空江上王
宮亦草萊

送人之浙東

我還京口去君入浙東遊風物孤舟夜關山兩
鬢秋出江吳水盡絕岸楚山稠明日相思處惟
登北固樓

送人

適意無南北相逢江海邊關山千里外風雨一
燈前呼酒友同醉論文子獨賢分襟在今日握
手又何年

寄友

紫禁鶯花老京城四月初層樓開別酒小海出
銀魚度日輕肥馬朝天借蹇馱頰言江海上亦
有病相如

范僉事幽居

邑外桑麻長山中筍蕨甜見孫薦時菓燕雀下
晴簷芳草生舍路揚花飛過簾人頭似白雪對

客口如鉗

病中書懷二首

半月閉門坐蕭然
遠俗氛病中心似水
門外馬如雲
練杵搗寒月香
炉生書薰與來
覽明鏡太瘦小
參軍

欲向江邊去何時
理釣蓑城山入
接近隣竹過
墻多春甕浮紅酒
晴池戲白鵝
閉門且消病
俗吏莫相過

大別山

落日在平地蒼茫吳楚秋
入隨孤鶴遠天共九

江流風物吞淮海
樓船下鄂州
伉高一登眺不盡
古今愁

元統乙亥余錄囚至滄州坐清風樓

晋代繁華地如今有此樓
暮雲連海溆明月滿滄州
歸鳥如雲過飛星拂瓦流
城南秋水盡寂寞採蓮舟

山中懷友六首

遠望空山裏天寒夕
夢孤林昏行題題江晚
變縻蕪課議難容我
交遊重有吾論文
輕咳唾問俗到耕鋤

六府超群豸脩材復壯騰波瀾開白晝羽翼動
青冥弱質悲殊調明時欲獨醒應憐揚執戟寤
奠太玄經

何事虛齋裏猶分首若盤高林容偃蹇衆翼避
扶搏黑夜文星動青天劒氣寒終南山正好那
得悔儒官

自是麒麟種卑拙又幾平故廬南雪下短褐此
風前歲暮山林變天高雨露偏惟應丈夫志未
受故人憐

卓犖恒山秀相逢幾抱琴五年風雨別四海弟

无心雲外梅花遠山中桂葉深定知稽叔夜高
興滿雲林

洛社推年久清村照柿林春風何處客芳草獨
行深遺墨收秦刻新詩學楚音別離無一字目
斷白雲吟

送唐卿御史

去々紅塵外秋光滿華嵩故鄉歸衣錦行路避
乘駘未覺長安遠真成冀北空燕山一枝桂回
首正西風

題劉山長雪夜板輿圖

板輿行樂處鶴髮儘參人子誰無母劉家獨
有男諸孫嬉掌上阿母度溪南玉宇光連夜顏
酡酒半酣

宿大橫驛

燈火明沙渡牛羊過水西村春千澗落野店四
山齊桂樹偏宜月人家盡向溪秋鑿莫相惱惟
听度閑鷄

溪行中秋望月

去歲南閩客今年此日還中秋八月半一水萬
山間皓月飛圓鏡迴流轉曲環携家共清賞何

異在鄉關

遊梅仙山和唐人韻四首

城郭千峯合仙凡一水分巔崖懸鳥道亂石聚
羊群苔井分丹水茶烟煮白雲有輿萬松嶺有
客訪梅君

絕頂尋仙跡寒泉照病容樵鷲多種竹愛鶴莫
移松丹藥人來乞山鞭手自春秋深霜葉滿麋
鹿日相逢

仙人亦可見借鶴過仙家夜臥千峯月朝餐五
色霞祠空風掃葉人去鹿啣花歸隱知何日分

炉學煉砂
洞天何處是
休日謾尋真
老鶴來迎客
隔松長似人
茶炉敲火急
丹井汲泉新
風景秋過半
烟霞晚更親

平川幽居二首

深隱雲林靜
何須負郭田
圖書從塞屋
鷄犬亦登仙
釀酒尋仙术
脩琴借藥錢
閑過武夷洞
來上釣魚船

九曲溪行盡
平川隱者居
看家留白鶴
度竹借籃輿
架上多丹藥
床頭有右書
漢廷論封禪
應

問馬相如

次王御史韻

江城連日雪
騎馬欲何之
老樹昏鴉集
寒塘落鴈遲
松窓灯下酒
竹屋夜深棋
寄語王公子
幽樓或可期

和吳贊府齋中十詠

焦桐

憐爾抱竒質
無香已自焚
材高初偶得
音古更誰聞
天海空遺操
冰霜見裂紋
中官方煮鶴
終得舍夫君

蠹簡

六籍灰寒久名山依舊歲漆痕微有字芸草欲
無香後死嗟猶及斯文豈遽亡世方珍兵葉掩
卷一淒涼

破硯

巨璞何人鑿磨穿偶至今系文虛綠潤雨氣共
玄陰瓦礫開無異塵埃積轉深明光幾携入往
事復何心

殘畫

勝境不可得生綃餘准旧圖丹青初彷彿塵土半

模糊蝴蝶飛疑去波濤折轉無良工今豈育為
爾一長吁

敗裘

襲尔亦已久風霜震髮寒甘後稚子笑未受故
人憐雅志逾前古深期及暮年纍絲今化盡念
汝獨依然

舊劍

憶昔蛟龍劍提携竟出門紅塵走馬處白日報
人思歲月銅花澁雲烟半斗空淒然中夜舞回
首暗消魂

塵鏡

古鏡色如墨千年獨此留
玉臺虫網暗珠匣土
花浮莫笑塵埃滿曾令
鬼魅愁蟠龍今已化雲
雨夢悠人

廢齋

不解照珠翠早同文字盟
何年中路弃無復向
人明宿雨高齋夢秋吟
廢館情相看幾今夕及
此慨平生

斷碑

零落秋風卧何年破廟碑
圖經愁莫載耆舊說

頻移野燒龜文失荒臺
鳥跡疑遙知千載後拂
拭轉堪悲

卧鍾

龍簾夕捲折深埋奈尔何
耕民誰睥睨野衲自
摩挲雅奏多年歌銘文幾
字訛斜陽荆棘裏長
伴舊銅駝

寄志道張令尹

淮南宣化閣相對石頭城
二月風帆過滌江春
浪生青山行不斷綠野
盡開耕令尹張公子兒
童知姓名

送人兄弟相別

送光南浦上情思兩悠々昆弟難為別江山愁
是愁槽聲搖夜月帆影障寒流後夜相思處
嗷鴻鴈秋

玉山道中

積雨千峯霽溪流兩岸平野花多映水山鳥自
呼名人語隨鄉變官船帶月行江南數千里無
處不關情

道中謾興二首

雲氣千峯暝溪流水拍橋竹溪泥滑々榕樹雨

蕭々曲篔簹鈎崖角垂虹掛嶺腰山家酒初熟或
事借椰瓢

綠樹鶯啼盡山紅映碧蘿一年春事了四月雨
聲多閩海夏無暑山田晚種禾遠人千里別歸
思欲如何

陸天錫詩集

陸天錫詩集

五言長律

次繁昌邑宰梅雙溪韻

雙鑠繁昌宰曾充觀國賓儒冠猶破帽禮服尚
垂紳澹泊心無愧清癯自有神老隋朱紱貴驚
見白頭新撫字三年政歌謠百里民

題進士索士岩詩卷士岩與余同榜又

同為燕南官由翰林編脩為御史臺掾

兼經筵檢討除為燕南廉訪經歷

憶昔登天府文華萃帝鄉俊才魚貫列多士鴈

成行寶劍懸秋水驪珠耿夜光三場如拾芥一
箭已穿揚上策師問孔蜚聲陋漢唐鳳池開御
宴虎榜出宮墻賜笏丘山重息袍雨露香天花
皆剪翠法酒盡封黃冠蓋遊三日聲名滿四方
歷階超宰輔捧表謝

君王第甲分三敘鐫碑立上庠曲以嘉宴會合
席尽才良契誼同兄弟比和鼓瑟簧誓辭猶在
耳離思各驚腸臺閣需材器儒林作棟梁超遷
烏府掾輝映繡衣郎迫晏封幾事平明出奏章
日披墳典舊時念博書忙檢討超經怪論思近

御床聖朝稽右道日暮下迴廊羈旅燃薪挂長
吟出錦坊弱妻貧且病羸馬瘦仍僵窮巷迴車
轍空厨泛酒漿故人傳奏日請便趣行裝呈極
三書重燕南各道昌承恩辭魏闕攬轡去恒陽
曉幙芙蓉露秋空栢樹霜諸司循直矢群吏肅
宋綱漢水浮神馬岐山出鳳凰行須冠獬豸已
見走豺狼慚愧蓬蒿翼乘風亦下翔

送丁太初赴永嘉學正十八韻

國學崇儒代人材絕妙年風雲千里駿日月九
重天輪苑司掄選中書屬次銓光榮毛義檄奮

發祖生鞭學廣儒官制書傳子弟負官情依冷
揚官舍擁寒氈筮仕無踰此如君更頽然永嘉
今永郡多藝夙多賢咨訪兼留意英髦孰接肩
舊家疑寐寘遺業想流傳會看聲華盛應知德
業全高情何特達矇目共周旋春著花間夜秋
乘柳下船篇章微點漆山水自清妍薦豆登霜
袖充厨載海鮮洞簫吹月下玉樹立風前已作
魚龍變何嫌雨露偏群公爭薦進拭目着騰蹇

五言古詩

過池陽有懷唐李翰林

我思李太白有如雲中龍垂老紫皇案御筆生
青紅群臣不敢視射目盡盲脫靴手污襪蹴
踏將軍雄沉香走白兔玉環失顏容春風不成
雨歟閑懸冰缸長蕭拂紫雲手燃青芙蓉掛席
千萬里遠遊江之東雁足五湖水樹中九華峯
放舟玉鏡潭弄月秋浦中霞懷正浩蕩行樂未
及終白石爛齒之貂裘浹雪之神光走霹靂水
底鞭雷公米石波浪惡青山雲霧重我有二

酒和淚灑天風

題焦山方丈壁

江風入霜林寒葉下疎雨蕭蕭復蕭蕭可聽不可數山僧亦好奇呼童掃行路到處無秋聲有輿入山去

送吳寅甫之揚州

青楊吹白花銀魚跳碧藻落日上江船二月淮南道渺々春水涯悠悠々雲樹愁安得快剪刀江頭剪芳草

秋日病起池上

新菰林塘幽消此閑日永飄風辭萍踪落葉散魚影天地風露涼秋深藕花冷有懷無與言獨立心自省

題潭州劉氏姊妹二孀貞節

霍藤本同根長大附高樹々倒何所依不離樹根土劉家好姊妹嫁作儒家婦儒生逝不返姊妹何所去憶昔嫁夫時各願似偕老今日無所歸骨肉自相保一炉鑄兩鏡懸置東西窓々前主人去兩鏡復一霍哀哉々劉二孀

早發黃河即事

晨牽大河上曙色滿船頭依々樹林出條々烟
霧收村墟雜鷄犬門巷出羊牛炊烟動茅屋秋
稻上壠丘嘗新未及試官租急徵求兩河水平
堤夜有盜賊憂長安里中兒生長不識愁朝馳
五花馬暮脫千金裘闔鷄五坊市酣歌最高樓
綉被夜中酒玉人坐更籌豈知農家子力穡望
有秋短褐長不完糲食長不周醜婦有子女鳴
機事耕疇上以充國賦下以祀松楸去年築河
防驅夫如驅囚人家廢耕織嗷々齊東州飢餓
半欲死驅之長河流河涘天上来趁下性所由

古人有善備鄙夫無成謀我歌兩岸曲庶達公
與侯淒風振枯槁短髮涼颼々

寄朱舜咨王伯循了即休

元統二年秋八月僕與淮東憲副朱舜
咨廣東憲僉工伯循會于瓜州江風山
月亭上過金山登妙高臺飲酒賦詩京
口鶴林寺僧了即休風雨渡江僧別少
年遊詞即休既城去舜咨伯循留廣陵
僕獨涉淮過河北人生聚散信如雲萍
倒指歲餘舊事如夢向時舜咨有兩過

江色淨五字天趣妙發未克竟篇茲以一字為一韻賦詩寄上舜咨伯循二前輩

鶴林主者了上人

木落淮南秋蘭撓泊江渚把酒三人同江亭看
飛雨雨過江色淨妙景發天趣壓々江南山一
一青可數

大江湧金山穩若青蓮座山下真龍宮見水不
敢唾江山萬古同日月一片帆過把酒妙高臺狂
歌醉相和

飄々鶴林僧布襪書鞋及長江飛鉢渡碧海魚

龍撞遠來作偏別楚雨鳴秋窻振錫獨歸去天
花飛滿江

微茫揚子橋細雨濕秋色小艇載吳姬搖々語
相接風起布帆高一往不可得夜宿廣陵城吹

簫照明月

霜高木葉空江清水花空離懷江水深楚女晚
粧靚按拍聽歌聲點筇行酒令白露滿衣裳迥
野垂斗柄

宿烏石驛

雲起烏石峯雨洒紫溪山領孤館如山深愁人覺

宵永灯花剪復開風竹亂不整清晨度閩關南
斗落衣領好寫度閩詩點筆題石笋

度閩關

既度分水嶺身在雲霧下手如天上捫声落山
下風雷霆走澗壑神人過一虛空頃刻開萬象赤
鳥飛嶺東白雲下千峯入懷袖裏振衣度閩
關洒作山下水仰登天古梯俯視并無底古來
守關人盡作山下鬼寒人百草青春風吹不起

度嶺輿至崇安人下掉建溪

人生天地間馳馬歷大川行樂須及時流光逝

難舟役、功名徒歷、山水這偉哉東南區奇
險閩粵最車書四海同風氣一嶺界肩輿度層
雲手掉下急瀨四山抱迴流環合如束帶玉井
蓮葉漂仰面天作蓋倏地丹峯前却在紫嶺背
微陰間雲霧踈雨洒杉檜深林樵牧歸落日山
鬼會雪瀑掛水簾林風奏天籟石梯架仙岩往
徃遺骨在瑤草石上生丹藥市曹賣巍、考亭
祠過客祠下拜溪水自成文上接洙泗派喚渡
雲門僧貌古清可愛手把青松枝趺坐溪石待
懸崖虹棧危插竹漁網晒山高入蟻旋下視舟

竇芥輕狂類飛鯀宛轉亂石隘峰嶸龍角尖
硯首癩嗟呀激頽波出沒如水怪萬鼓搥地
雷三峽瀉萍萍峯峦爭送迎奔走萬馬快箭過
耳生風開口不暇咳峭壁起衝流恍若巨鰲戴
上有舊題名歲久字刻壞豈無姓名存彷彿年
月載覽此前人踪徒為後人慨天氣易寒暄光
景倏明晦浩蕩三日程應接千萬態會登天柱
峯一覽宇宙大少壯膏中豪神遊八荒外題詩
贈山靈清氣留勝槩

寄鉛山別駕完顏子忠

我識顏別駕夙度脩且聞近持五色筆輝光動
南蠻甘飲石井水卧治鵝湖山玉峯露洒洒風
林珮珊表臺閣姿豈久州郡間相思不相
見可愛不可攀海風夜月朗飛度七關關

石上晚酌天章臺

晚涼上烏石置酒天章臺夕日下山去海風吹
月來豪氣吐千丈朗吟動三台白露洒仙掌銀
河瀉金杯誰識芙蓉仙飛身在蓬萊

高臺在層霄有輿上絕壁露下酒樽涼月出海
門白坐拂衣上雲醉臥林下石西風吹鬢毛南

斗在肘腋題詩向天閣奎光射瑤席

宿臺山寺絕頂

江白潮已來山黑月未出樹杪一灯明雲房人
獨宿近水星動搖河漢下垂屋四月夜深寒繁
露在脩竹

望鼓山

鼓山起千仞迺是東海垠蛟龍穴其下霹靂翻
海門砥柱儼不動日夜雪浪奔何嘗臨絕頂俯
視浴日盆

題汀州丁三溪知事卷

三溪會汀州上有仙人店乃是丁令威玉佩搖
瓊琚高秋下風露水清暎笑蕙華表慣聞鶴小
船閑釣魚鑑湖風半曲賀老竟何如

夜興

午峯走晴雷風力吹邊雨層雲不成陰殘缺如
敗堵山深日易暝孤館孰賓主灯花翳復明落
葉聲可數獨立誰與親厨人夜深語

題茶陽驛飛亭

白雲飛出山怒壁蒼峽裂出谷濕晴雲絕壁洒
飛雪萬折入滄海龍宮水晶閣簸揚弄珠人冰

蕭掛寒月

將至大橫驛舍舟乘輿暮行二首

山行日已暮肩輿度林薄涼飈淒以清松子當
面落千山月崔嵬萬葉雨蕭索昨夕掉歌行頗
憶溪上樂

月輪轉頭上溪瀨奏脚底人行山色中葉落雨
声裏虛名為一官遊子在萬里行々重行々日
夕聊復止

聞秋蛩有感

秋蛩集草樹淒然亦何繁行子在遠道豆不思

故園禾稻上丘龍鳥雀知以喧田園可終老軒
冕何足言

贈白雲

白雲抑何閑竟日不下山時從脩竹裏相伴一
僧還悠悠々覆松頂渺々歸岫間奔走塵俗客視
君多厚顏

白雲答

使君抑何忙寧不思故山茫茫々天壤間鳥倦猶
知還石田紫芝老茶竈碧蘚斑胡不賦歸來分
子屋半間

望武夷

溪行望武夷峭壁何斬絕赤霞亂不收大化元
氣泄下有萬年松上有太古雪祇恐月明中鐵
笛吹石裂

宿武夷

艤舟山水間借問武夷觀月掛水晶簾風吹紫
霞慢鷄犬過雲間笙樂度天半傳語武夷君酒
孰華相喚

吳橋縣古河堤

迢迢古河堤隱隱若城勢古來黃河流而今作

耕地都邑交通津滄海化為塵堤長燕麥去年
見築堤人

溪行兩岸皆芙蓉桂花余喜遂賦此詩

芙蓉發著蕃桂樹花爛斑中秋前日過客子未
出關香生桂樹下芙蓉葉花以寄遠人葉

以作書帖何日棹船還桂樹芙蓉間船頭听我
夜吹笛吹起月輪昇東山

會杜清碧

夜宿武夷山迺是杜清叟清談道人同險路山
鬼走出門視河漢危梯掛星斗白露滿芙蓉清

寒夜深火
我識杜清碧深居武夷山採藥紫芝嶺行歌白
雲間天根深可躡月窟高可攀天子召不起道
人閑往還

書卧雲際亭

紅塵如海深度水卧雲際白雲如故人千峯走
群婢長嘆一欠伸風葉飛滿地一鳥後遙天樹
矮渾如薺

過延平津

神物在天地變化須有時踊躍一入水風雲波

浪隨志士昔未遇常人安得知一朝忽奮迅見
女驚且疑

萬山二水合匯之為深淵劍化亦已矣過者尤
凜然神物豈常處入地忽上天所以磊落士豈
為愚者憐

當時二龍劍迺是山川精埋沒於獄礎異氣騰
豐城神光射霄漢牛斗為不明一入壯士手長
鳴除不平

哭同年進士李竹操經歷

進士如公少何期與死隣青山歸葬骨白髮未

封親已矣官三郡哀哉子一人送君螺水上為
咽淚沾巾

此去成長別頻將雨淚揮空江片帆遠落日亂
鴉飛白紙招魂葬青山有夢歸雙親頭似雪塵
暗老萊衣

偶題清涼境界

今日清涼境明朝劍水心酒堪消客况泉可洗
塵襟佛古荒苔蘚林深繁綠陰樵歌山路晚餘
興付歸禽

薩天錫詩集

七言絕句

雪中渡江過山飲暘谷簡上人房

聞說山中新酒熟野人乘興過江來小窓無處
着春色一樹梅花雪裏開

山酒吹香出小槽燈前痛飲污青袍夜深夢醒
知何處老鶴一聲山月高

京口城南次集

野齊花開春欲盡山櫻子落雨初晴酒醒騎馬
踏花去門外綠陰無數生

雨深綠葉櫻桃肥日長青草蝴蝶飛江南三月
春欲盡白馬王孫遊不歸

憇奉真道院

落花風颺步虛聲翠草玄芝爛熳生過客不知
春早晚午窓晴日睡聞鶯

對客

石榴花開光照屋胡桃葉大陰滿簾焚香終日
對客坐時有白雲未織

過揚州

買舟南浦秋聞鴈呼酒西窓夜剪灯何處玉簫

天似水瓊花一夜白如水

宿淮南長蘆寺

柳花漠漠春歸寺芳葉青青晚渡江羣角松聲
撼風雨道人一夜不開窓

宿化閣渡口阻風

江船日午無人渡渡口人家盡下罾却憶吳姬
新釀酒鍾山對岸是金陵

艇子渡江何日迴石頭城下浪如雷淮南春色
知多少一樹櫻桃帶雨開

客船伐鼓春江暮水面魚龍出浪花今夜石頭

城下泊買魚沽酒向誰家

瓜州阻風

渡口無人上野航
白頭危浪自衝撞
東風一日不肯住
吹送柳花飛渡江

題界首驛

清氣撲人湖面水
幽聲到耳樹頭風
人家幾處老櫻桃
過恰是淮南四月中

平湖過雨天開鏡
落日放船人打魚
野老柳陰沽秣酒
行人馬上寄家書

渡淮即事

揚花點點衝帆過
漁子獲獲掠水飛
淮上漁人閑不得
船頭對結綠蓑衣

西宮即事

九重五色金銀闕
冠帶將軍盡羽林
白髮儒生才進講
西宮午漏隔花深
退朝西發承平日
一片春雲奏鳳笙
白面內官供玉食
却將黃帕覆銀鐺

還臺偶成二首

高低柳絮飛渡水
紅白桃花開滿枝
自笑江南無用客
一春無事只題詩

踏雪歸來過早春
沉沉臺府隔紅塵
東風吹綠青溪柳
馬上輕寒不著人

題冶城道士稽秋山卷

不見冶城稽道士
雲深無處訪仙蹤
夜聞老鶴行枯葉
知在秋山第幾重

余與觀志能俱以公事赴北舟至梁山

泊時荷花盛開風雨大至舟不相接遂

泊芡葦中余折芡一葉題詩其上寄志能

題詩芡葉兩班底事詩人不柰閑滿灤荷花

開欲遍客程五月過梁山

春詞

深宮盡日垂珠箔
別殿何人度玉筍
白面內官無一事
隔花時聽打毬聲

秋詞

清夜宮車出建章
紫衣小隊兩三行
石闌干畔銀灯過
照見芙蓉葉上霜

上京即事

一派蕭韶起半空
水晶行殿玉屏風
諸王舞蹈千官賀
齊捧蒲萄壽兩宮

上苑棕毛百尺樓
天風搖拽錦絨鉤
內家宴罷

無人到面、珠簾夜不收

行疑參差翡翠光
朱衣花帽宴親王
綉簾齊卷

薰風起十六天魔舞袖長

中官作隊道宮車
小梯紅靴踏軟沙
昨夜內家

清暑宴御羅涼帽插珠花

大野連山沙作堆
白沙平處見樓臺
行人禁地

避芳草盡向曲闌斜路來

院、翻經有呪僧
垂簾白晝點酥灯
上京六月

涼如水酒渴天厨更賜冰

祭天馬酒洒平野
沙際風來草亦香
白馬如雲

向西北紫駝銀甕賜諸王

牛羊散漫落日下
野草生香乳酪
酸香地朔風

沙似雪家、行帳下氈簾

紫塞風高弓力強
王孫走馬獵沙場
呼鷹腰箭

歸來晚馬上倒懸雙白狼

五更寒襲紫毛衫
睡起東窗酒尚酣
閉外日高

晴不得滿城濕露似江南

再過梁山泊有懷觀志能三絕

故人同出不同歸
雲水微茫夢思
記得題詩

向荊葉滿湖風雨似來時

灯火官船夜膳遲，滿湖風露幾人家。無端驚起沙頭鴈，明月芦花各自飛。

郡伯舟中

驚魚時出浪花雪，短髮吹寒水面風。遠客行船秋色裏，誰家吹笛月明中。

題京口高資包氏壁

看與曉晴新，晴出山色青。上客衣昨日，林風雨過滿田白水。鷺鷥飛。

贈茅山道士胡琴所

茅山道士來相訪，手抱七絳琴。琴心張準擬月明。

彈一曲桐花落，及曉風涼。

送鏡中園上人遊錢塘

西湖西畔三天竺，古木蒼藤望欲迷。遙憶道人禪榻夜，月高霜落听猿啼。

過贊善庵

夕陽欲下行人少，落葉蕭蕭路不分。脩竹萬竿秋影亂，山風吹作滿窓雲。

雲中過龍潭紫微觀訪道士不值

道人已跨龍潭鶴，童子能煎雀舌茶。一夜山中滿林雪，客來無處覓梅花。

將遊茅山先寄道士張伯雨

借騎白鶴訪茅君
琪樹秋聲隔夜聞
料得山中張外史
開門先掃鶴巢雲

登衆妙堂題商學士畫雨霽歸舟圖

大苑峯頂見日出
烟樹雲林宿雨收
萬里澄江淨如練
却從天際識歸舟

紫微觀道士馮友直與子同宿苗閣吹

日子過元符宮友直同僧安上人過五

雲觀寫詩贈友直

道人采藥出山遲
菌閣秋寒襲羽衣
半夜忽聞

孤鶴語五雲相伴一僧歸

同伯雨遊凝神庵因觀宋高宗賜蒲衣道

士張達道白羽扇

晴日赤山湖水明
湖中山影一眉青
蒲衣道士無人識
羽扇年多落鳳翎

茅山玄洲精舍有道士號紫軒又號木

通生白日照解遺書其徒許道民者至

今坐壩尚存為題其卷

白日飛昇凌紫烟
靈書猶許道民傳
玄洲精舍無多地
夜火珠光燭天

同御史王伯循時除廣東僉事濟揚子
江余除燕南照磨

落葉政飛揚子渡行人又上廣陵船過江載得
秋多少老鴈一聲霜滿天

九日渡淮喜東南順風

青旗紅字映河濱九日人家物色新渡口客船
爭賞酒斫魚列紙箋
東南風送渡淮船過橋頭天落日紅霞
收未盡澹雲微月出東邊

春日鎮陽柳溪清隱

城外曹溪出洞門道人歸後日長曛柳花滿地
無人掃隔水遙看是白雲

過鎮陽城南觀音院

柳色暗籠溪上寺露華偏濕水邊僧門前天暝
荷花滿出水迹魚夜戲灯

寄奎章學士濟南李溉之

山東李白似劉伶後老歸來酒未醒天下三分
秋月色二分多在水心亭

笑擲金龜上酒船不須圖像在凌烟碧羅衫色
烏紗帽便是開元李謫仙

過叡州

西風老樹昏鴉集
落日荒城暗雨崩
寂寞斷碑秋草裏
路人遙指叡王陵

補題淮西送王仲和從事詩卷

百年馳馬苦匆匆
水落烏江楚廟空
眼底山川猶歷歷
淮商舊夢雨聲中

題李旣之送別詩卷

清平三曲動明皇
四海知名李白狂
把酒深春送行客
揮毫字字柳花香

將入閩道郡雉好德求題真地圖

月輪西轉日生東
四海車書約會同
騎馬出門天萬里
山川長在別離中

黃河舟中月夜

十丈雲帆拂斗杓
星槎風急浪花飄
夜深露冷銀河近
卧听天孫織絳綃

阻風南露筋過羅漢寺登樓看山茶

野寺尋春酒未醒
不知幾日過清明
小闌干外東風急
一樹山茶落晚晴

夜宿金山題金山圖

遠人夜宿金山寺
坐對畫圖如夢中
剪燭題詩

雲氣裏不知身已在龍宮

春日過丹陽石仲和宅會茅山道士石

山輝

杏花一夜雨聲寒酒醒丹陽幾日還却遇茶君

三白鶴借騎一隻到三山

登姑蘇臺二首

閭門楊柳自春風水殿幽花泣露紅飛絮年年

滿城郭行人不見館娃宮

野水滿城飛燕子誰家小艇載吳姬姑蘇臺上

一樽酒落日昏鴉無限愁

入閩過平望驛和御史王公循

廣陵城裏別匆匆一去三山隔萬重一日春風

等相憶欲臨秋水剪芙蓉

宿長安驛二絕

埧北埧南河水平客船爭纜水雲腥細香吳越

不可辨灯火黃昏如亂星

水面微風動楊柳客船吹笛月明中遠人江海

多歸思卧看流星度水東

釣臺夜興

仙茶旋煮桐江水坐客遙分石壁灯風露滿船

山月上夜深獨對釣臺僧
早發釣臺

山頭鍾響不聞鷄重露翻鴉滿樹啼艇子釣臺
東畔發月輪却在釣臺西

蘭溪舟中

水底霞天魚尾赤春波綠占白鷗汀越船一葉
蘭溪上載得金花一半賣

泊江家步無月同孟志學小酌溪上

把酒無從邀月色共君且復聽灘聲夜深灯影
青溪上魚尾搖船亦有情

蘭溪春水似蒲萄越女如花壓小槽今夜共君
溪上醉直須溪月照宮袍

黃亭驛晚起

積雨每苔上壁青晚寒山館夢初醒鷓鴣青裏
流年漫自是行人不傾聽

和經歷揚子承曉發山館

夢回山館月西斜曙色十峯動紫霞杜宇一聲
山竹裂鷓鴣飛上野常花

石林郎事

三山幕府無公事多病郎官懶出門老鶴喚迴

童子晴石盆新雨長蘭孫
蒲扇屏山紫竹床領南五月似秋涼
硯池風動雲生石簾外雨蘭吹濕香

題屏風

海國涼生亂垂石林
遊客未眠時滿簾月色
吹輕露白露無聲下竹枝

獨坐恭和堂

東閣高懸如道院人言
暮府最清嚴即封不動
坐終日滿樹梅花雨一簾

閩城歲暮

嶺南春早不見雪臘月街頭
听賣花海國人家
除夕近滿城微雨濕山茶

經筵司暮春即事

隔樹幽禽送好音
沉沉幕府似雲林
小盆幾箇山茶落
挑葉滿簾春雨深

雲飛海燕拂簾過
風捲魚鱗剪綠波
閑倚石闌數春事
滿池紅雨落花多

贈道士陳華隱

早年濯足東海水
去卧華峯頂上雲
收得九秋仙掌露
歸來酌獻武夷君

題淮安王氏小樓四絕

吳山王氏小樓獨占淮安一勝不嘗
以迎餞至此登斯樓謾成四絕模寫
其際後之來者其興無窮

江水翻翻鴨綠新江頭日送行人南來北去
年事岸草汀花自在春

拂曉樓窓一半開樓前昨夜浪如雷滿江梅雨
風吹散無數青山渡水來

江月滿樓江水澄胡床據坐憶吾曾解吟如練
澄江句未信玄暉獨擅能

雪滿寒江壓酒旗江南無處不堪題小舟載得
梅花去渡領春風過水西

題畫竹

小雨春池濕鳳毛天孫深夜織鮫綃何人更立
湘江水獨倚薰風憶舜韶

彭城雜詠呈廉公亮僉事

亞父塚前春草齊楚王城上夕陽低黃鸝不解
吳亡事飛過海棠枝上啼

城下黃河去不回四山依舊畫屏開無人念得
登臨意獨上將軍戲馬臺

雪白楊花拍馬頭行人春盡過徐州夜深一片
城頭月曾照張良案上籌

何處春風燕子樓斷碑落日古城頭畫眉人遠
繁華歇無數遠山生暮愁

歌扇搖風喚酒香舞裙今日動鴉黃柳邊今夜
孤舟發水遠山遙空斷腸

寒食馬上

道傍楊柳已栖鴉幾度春深未到家城北城南
千樹雪行人馬上看梨花

燕京作

落月西窓聞禁鐘夢回遠客立雲龍江南飛盡
千枝雪辜負梅花過一冬

奎章閣感興二首

奎章三月文書靜花落春深鎖閣門玉座不移
天步遠石碑空有御書存
花落春深似去年無人再到閣門前當時濟
誇多士爭進文章乞賜錢

京城立春

燕姬白馬青絲纜短衣窄袖銀鞞光御溝飲馬
不回首貪看柳花飛過墻

燕姬十五未出門，滿眼諸王孫馬頭相見
不相識亂絮遊絲空斷魂

九日遇雨

佳期不負到重陽，細雨濃陰又可傷。
試問東籬何處賞，有花無酒惱人腸。

客中九日

寥落天涯歲月賒，每逢佳節苦思家。
無錢沽得隣家酒，不敢開窗看菊花。
佳節相逢作遠商，菊花不異故人鄉。
無錢沽得隣家酒，一度孤吟一斷腸。

雪中女子

梁王宴罷下瑤臺，窄窄紅靴步雪來。
疑是陽和三月暮，楊花飛處牡丹開。

初春淮安道中

魚鱖淺，初出網梅杏青，已看枝滿村。

雨行人四月過淮時

過石子岡

霞光日落紅穿樹，山色雨餘青近人。
便好拂衣入山去，解鞍辭却馬頭塵。

次王叔能侍御史

龍蛇偃蹇出牆陰
五色春雲態度深
臺閣文章散清氣
月明山館夜蕭森

醉起

揚柳樓心月滿床
錦屏綉褥夜生香
不知門外春多少
自起移燈照海棠

宮詞

駭馬驕嘶頗著聲
晚涼騎過御樓前
宮娥不識中書令
借問誰家美少年

哀柳

清涼亭上幾株柳
霜夜涼風下夕陽
依舊明年

二三月小金山上看鷺黃

戲友人

毗陵公子醉醺醺
白面迎風向酒痕
幾度小紅樓上月
有人銀燭掩重門

宴回

兩行老柏參天翠
銀燭青懸御史回
深夜酒闌人散後
獨留明月照霜臺

約友遊西峯不至

仙人約我峯頭去
欲去峯頭看白雲
一夜白雲峯下宿
曉來散作雨紛紛

太平驛即事

驛鼓高懸使者稀
溪雲斷續樹參差
日斜山畔無人語
獨立西風數挂枝

過光孝寺

秋日留題翠壁層
出山聊聽在山僧
肩輿又上沙頭渡
隔水人家兩岸燈

臨丹青閣

飄然身在紫芝峯
翠壁丹崖有路通
傑閣凌烟欲飛去
亂山無數夕陽中

黃河夜月

斗杓照水半垂天
水氣漲天如白烟
南北櫓聲爭上下
月中聞鼓避官船

沛尉蔣景山沛簿趙伯顏送予金溝月
夜別去有懷

公子將軍兩少年
繡衣白馬杏花天
醉中送客歸城暮
回首金溝月滿船

薩天錫詩集

薩天錫詩集

七言律詩

京口夜坐

鐵甕城頭刻漏遲
涼霜如雪撲簾飛
鴈聲墮地夢迴枕
月色滿城人搗衣
塞北將軍猶索戰
江南游子苦思歸
呼鷹腰箭從圍獵
首菊秋深馬正肥

登金山雄躋亭

朱欄六曲倚高秋
元氣茫茫日夜浮
客去客來天地老
潮生潮落古今愁
踈鍾水國前朝寺
落

日海門何處舟更擬黃昏盡餘興却後燈火望揚州

寒夜懷京口韻

帝京久別夢相同鴻濛佳氣凌青空石麟銅雀動涼月玉樓珠箔搖天風宮壺龍渴晚漏盡御街馬滑春雪融綉衣貂帽少年子銀甕索酒蒲萄宮

馬上

秋水芙蓉淡粧平湖昨夜有新霜人間女子空自好馬上郎君不暇狂十二玉樓多薄命三

千客路盡他鄉上林白鴈無消息欲向何人寄斷腸

送管十班監憲除廣西宣慰使

持節曾臨江漢上分符又瘴雲間花駉一日行千里金虎三珠照百蠻露帳旌旗天接水星營鼓角月連山九重應有平徃託日聽將軍奏凱還

偕侍御郭幹卿過鍾山大崇禧萬壽寺

文皇潛邸所建

御榻在馬侍御索詩因爲賦此

虎踞龍蟠王氣多雲深石磴碧嵯峨珠峯獨占
金陵勝寶地曾經翠輦過花草舊曾沾雨露殿
臺今已近星河登高願效封人祝萬歲千秋保
太和

寄賀天竺長老訢咲隱召住大龍翔集
慶寺

東南隱者人不識一日才名動九重地濕厭者
天竺雨月明米聽景陽鍾衲衣香暖留春麝石
鉢雲寒臥夜龍何日相從陪杖屨秋風江上採
芙蓉

夜宿池陽石墨驛納涼溪橋

文皇南幸江陵駐蹕所也徘徊久之賦
詩未就忽雷電晦冥風雨大作急趨驛
舍秉燭寫東壁時至順壬申五月

聖明天子南巡日尚想溪橋洗馬時雷電神光
猶警蹕草茅賤士敢言詩山河夜黑鬼神護兩
露春深草木知松栢如龍入霄漢行人謂是萬
年枝

題劉渙中司空山隱居圖

放光峯下結茅廬光照山人夜讀書童子抱琴

隨白鶴隣翁看竹借藍輿門前秋景後風掃屋
後春田帶雨鋤自嘆天涯倦遊客十年未有一
廛居

高郵城樓曉望

城上高樓城下湖城頭盡角曉鳴呼望中燈火
明還滅天際星河澹欲無隔水人家種楊柳帶
霜鳧鴈起菰蒲短衣匹馬非吾事擬向烟波覓
釣徒

燕將軍出獵

將軍一戰山河定雲漢昭四玉帳高柳外解鞍

春洗馬月中飛箭前夜鳴鵙呼鷹走狗清時樂斬
將舉旗舊日勞白面官官催賜酒漠廷不數霍
嫖姚

登鳳凰臺御史大夫易釋熏何公索詩

援筆應命

六朝歌舞豪華歇商女猶能唱後庭千古江山
圍故國幾番風雨入空城鳳凰飛去梧桐老燕
子歸來楊柳青白面書生空吊古日陪駉馬繡
衣行

再過鍾山大禧萬壽寺有感

紫翠烟霞出上方遊人登覽憶先皇石闌空見
岩花落翠輦不來山路荒此日風雲消玉氣舊
時草木染天香夜深行殿無人到應有山靈護
御床

和中丞伯庸馬先生贈別中丞除南臺
僕馳驛遠迓至上京中丞改除徽政以

詩贈別

江南驛使路遙遙遠赴龍門看海潮挂殿且留
脩月斧銀河未許渡星輶隔花立馬聽更漏帶
月鳴珂趁早朝祇恐淮南春色動萬竿烟雨綠

相招

寄京口鶴林寺長老了即休

白頭不出城南寺枯坐蒲團咲客忙過暑葛衣
後破碎逢秋竹院愈荒涼空山雲濕龍歸鉢古
屋松低鶴到床遙憶題詩舊遊處夜深東壁月
蒼蒼

偕庶公亮遊鍾山

十里松風吹酒醒馬頭雲氣碧峻嶒空山落葉
幾聞雨古塔疎林不見燈勝地難逢今日會舊
遊却憶向年曾使君五老峯前去應有新詩寄

病僧

和叅政繼學王先生海南還韻

飄零南北與東西倦鳥投林未許棲燈下冷風
山鬼嘯嶺南春雨竹雞啼炎天海國瘴雲合深
夜蠻鄉客語低昔日持書烏府上五花駉馬作
霜蹄

詠芙蓉

斑簾十二卷輕碧秋水芙蓉隔盡欄綵扇迎風
霞透影錦袍弄月酒生寒湘魂翠袖留江浦仙
掌紅雲濕露盤祗恐淮南霜信早絳紗籠燭夜

涼看

次學士盧疎齋題贈句容唐別駕

疎齋落々謫仙才句曲名山數往來日讀茶經
醫酒病春從隣舍覓花栽昔年奏對含鷄舌今
日登臨獨鳳臺賴有間居唐別駕尋詩猿鶴莫
驚猜

三衢守馬昂夫索題爛柯山石橋

洞口龍眠紫氣多登臨聊和采芝歌爛柯仙子
何年去鞭石神人此地過烏鵲橫橋秋有影銀
河垂地夜無波遙知題柱凌雲客天近應聞織

女按

宿茅山崇禧觀南鳩樓

天際三峯橫紫烟山前山後盡芝田樓臺木末
疑無路雞犬雲中半是仙白石經年皆化玉青
松鎮日祇聞泉曲林三館幽棲地一夜鍾樓聽
雨眠

題元符宮東秀軒又名日觀

茅君山下種玉田道士闢為東秀軒五色曉霞
開日觀萬株秋露滴雲根竹園筍出穿龍角松
樹年深長鶴孫一道天河橫屋過奎光垂地夜

富門

元統乙亥歲集賢學士只兒合舟奉旨
代祀真定路玉華宮睿宗仁聖景襄皇
帝影堂僕備監禮

大帝天香出內宮孝思與世總無窮百年禮樂
行三獻一派簫韶起半空使者領班雲氣裏女
仙搖珮月明中小臣監禮陪清列兩袖葵花映
燭紅

登鎮陽龍興寺閣觀銅鑄觀音像

眼中樓觀見應稀鐵鳳棲簷勢欲飛天半寶花

飄閣道月中桂子落僧衣高擎玉露仙人掌上
碍銀河織女機全趙堂之遺物在山川良是昔
人非

寄叅政許可用

紫髯叅政黑頭公日之鳴珂近九重花底聽鶯
黃閣散御前批鳳紫泥封却將筆下文章潤散
作人間雨露濃未信吟詩趨幕府寒霜翠袖倚
芙蓉

寄賀進士也先不花仲實除侍儀通事

舍人

舍人楚之好容儀立在清朝白玉墀紫袖窄衫
花萼繞黃金小帶荔枝垂綵旗拂柳春班卷宮
漏穿花午仗移朝罷太平無事日芙蓉葉上好
題詩

僕官燕南照磨大名文濟王重賜綵二

端賦詩以謝

夜夢東南五色雲曉聞使者已臨門府中重遣
年前賜幕下多承望外思芝草暖霞浮露絲藕
絲秋水織霜痕何因得侍西園宴宮錦淋漓獻
壽樽

寄文濟王府教授郭尚之

聞君客食賢王府剪地芙蓉賜坐溫不愛時名
題鴈塔頭將苦學授龍孫中官送酒銀餅小前
席談絳絳帳尊却笑馮驩事干謁無魚獬缺尚
侯門

送僉事王君實之淮東

使君膺月揚州去東閣梅開雪壓枝淮上有官
皆避馬竹西無處不題詩春風楊柳平山路夜
月瓊花后土祠從此公餘多勝覽好傳佳句遠
人知

元統乙亥歲余除閩憲知事未行立春

十日叅政許可用惠茶寄詩以謝

春到人間總十日東風先過玉川家紫微書寄
斜封印黃閣香分上賜茶秋露有聲浮薤葉夜
窓無夢到梅花清風兩腋歸何處直上三山看
海霞

別江州總管真定王克紹

我識文章王太守不知幾日上潯陽琵琶直前
好明月香爐峯頭多夜光吟詩寫字午衙靜打
鼓勸農春社忙萬一公餘頗相憶寄詩應到荔

技鄉

阻風崔鎮有感

逆風吹河、倒行阻風時節近清明南人止人
俱上塚桃花杏花開滿城雖云年少慣作客便
覺此日難為情河魚村酒亦足醉賴有同船好
弟兄

再過界首驛

二月好風吹渡淮滿湖春水綠如苔官船到岸
人多識楚館題詩客又來近水人家楊柳暗禁
烟時節杏花開一官迢遞三山遠海上星槎幾

日回

姑蘇臺奉和侍御繼學王光生贈別

駘馬霜臺好使君碧羅衫色綉春雲燕垂綵帶
綴鬚織燭剪金釵燕尾分四海名高瞻北斗五
絃調古和南薰姑蘇臺下人無數爭看文星拜
主文

錢唐驛樓望吳山

仙居時復與僧隣薰幕人家紫翠分後嶺樓臺
前嶺接上方鐘鼓下方聞市聲到海迷紅霧花
氣漲天成綠雲一代繁華如昨日御街燈火月

終

贈陳衆仲

江南少識陳衆仲
關下才名壯斗齊
直閣每從花底過
揮毫曾向御前題
觀魚小海鳳新路立
馬上林鶯亂啼
今日西湖之上
路獨騎款段路
春泥

贈吳山紫陽庵女道士并引

武林吳山紫陽庵
湖民有丁姓者
棄俗為全真
一日忽召其妻入山書詩
四句云懶散六十三
妙用無人識
順

逆兩俱忘
虛空鎮常寐
坐抱一膝而

逝俗謂之騎鶴化
其妻束髮簪冠為

女道士奉其夫死二十年
不下山樂

於得道神仙渺茫姑不暇論
其婦一

節乃可尚也
婦年七十王其姓諱守

素亦湘人云登覽之餘
因為賦詩

不見遼東丁令威
舊遊城郭昔人非
鏡中春去

青鷺老華表
山空白鶴歸
石竹溪乾斑
雨在玉

簫聲斷
綵雲飛
洞門荒落
無人迹
獨坐蒼苔補

道衣

過鵝湖寺

十里蒼松對寺門，四圍翠滴露絲絲。湖心水滿通銀漢，山頂鸞飛化白雲。玉井芙蓉天上露，劔池雪浪月中聞。石床茶竈如招隱，還許閑人一半分。

題鵝浴池

天池霹靂片芥餘，天風萬劫吹不枯。白雲石面化青雨，落日海眼翻烏。銀河靈鵲渡夜影，月窟老兔時濡鬚。太平海上錦袍客，跨鶴來看浴鳳雛。

贈仁王講師達上人

香山居士羨如玉，亭子秋水開芙蓉。承恩長揖紫宸殿，飛錫遙掛烏石峯。散花天女逸經閣，出海神龍聞講鍾。攢眉入社笑陶令，載酒三生石上逢。

臺山懷古

粵王故國四圍山，雲氣猶屯虎豹關。銅獸暗隨秋露泣，海鴉多背夕陽還。一時人物風塵外，千古英雄草莽間。日暮鷓鴣啼更急，荒苔野竹雨斑斑。

石夫人詩

危之獨立向江濱
四伴無人水作隣
綠髮懶梳千載髻
朱顏不改萬年春
雪為膩粉憑風傳
霞作胭脂伏日勻
莫道臉前無寶鑑
一輪明月照夫人

安分

心求安樂少思錢
無辱無榮本自然
春日賞花惟賞酒
冬天踏雪旋添綿
頻將碁局消長日
時執香薰篆細烟
萬事皆由天理順
何愁衣祿不周全

丁卯年及第謝恩崇天門

禁柳青々白玉橋
無端春色上官袍
卿雲五彩中天見
聖澤千年此日遭
虎榜姓名書勅紙
羽林冠帶豎旌旄
承恩朝罷頻回首
午漏花深紫殿高

勅賜恩榮宴

內侍傳宣下玉京
四方多士預恩榮
宮花壓帽金牌重
舞效當筵翠袖輕
銀甕春分官寺酒
玉杯香賜御厨羹
小臣涓滴皆君澤
惟有丹心答聖明

聖賢

同克明曹生清明日登北固山和韻

三月二日風日暖千家萬家桃李開少年白日
騎馬去滿城紅雨拂面來共君且飲酒一斗處
世不必歌七哀孫劉事業果何在百年斷石生
莓苔

寄呈江東廉使王繼學

瓜步遙聞鼓角聲淮船夜過石頭城當年嶺海
家何在此日江湖夢亦清紫塞秋風初度鴈玉
堂夜月舊聞鶯祗應王謝風流在取治山東曼
令名

金陵道中

烟樹雲林半有無野人行李更蕭疎
長埃短途官馬山北山南听鷓鴣
萬里關河成客舍更風雨憶吾廬
寂寥一點寒燈在酒熟隣家許
夜沽

層樓

廣寒世界夜迢迢醉拍闌干酒易消
河漢入樓天不雨江風吹月海初潮
影搖翠幙金蓮炸夢斷涼雲碧玉
簫休唱後庭舊時曲六朝宮殿草
蕭蕭

述懷

客程去住與身遠
誤擲漁竿下釣磯
好客不來門戶俗
遠親相棄信音稀
青春背我堂去黃
葉無情片片飛
遙望家山搔短髮
故園酒熟蟹肥

向曲贈清玄道士陳玉泉朝京還山復

拜廣陵觀

清玄道士騎黃鶴
曾向春班趁早朝
香動螭頭雲氣暗
路回龍尾珮聲遙
還山去採泉中玉
洗耳終亡樹上瓢
聞說淮南招桂隱
渡江明月听

吹簫

望金陵

詩人兩霽金陵去
簫寺鍾聲又遠聽
五月潮聲去納湧
六朝文物已凋零
春風玉樹留歌韻
暮靄青山立畫屏
千古興亡堪一嘆
賈花載酒賞心亭

季子廟

公子不來春草綠
故宮禾黍亦離離
涕原尚有千年井
古篆猶存十字碑
去國一身輕似葉
歸田兩鬢細如絲
李家兄弟一朝暮
暮差見延陵季

寺祠

題揚州驛

銀燭高烧照不眠，呼兒飲馬汲清泉。
寒砧萬戶月如水，塞鴈一聲霜滿天。
金縷款歌未枕上，銀鈿索酒到亭前。
明朝走馬燕山道，贏得紅樓說少年。

雪米

萬斛珠璣瀉大荒，六丁誰為發天倉。
雲孫捧出南箕簸，月姊春來北斗量。
狼戾也知逢稔歲，貯儲元不濟飢腸。
風流灞上尋詩客，千古無人說

秋稼

移梅

幾夜幽香惱夢魂，慙慙來倩隴頭人。
鑿開東閣窓前地，分得西湖雪重春。
瘦影番來新體態，疎枝猶帶舊精神。
今朝伴我清吟處，不許詩懷更有塵。

元日

元日端門瑞氣新，層層冠帶羽林軍。
雲邊鵠立千官曉，天上龍飛萬國春。
宮殿日高騰紫氣，蕭韶風細入青雲。
太平天子恩如海，亦遣枌觴到

小臣

寄馬昂夫總管

衢州太守文章伯酒渴時敲玉井冰徑造竹床
忘是客橫拖藜杖去尋僧人傳絕句工唐體自
恐生前是薛能日暮江東懷李白鳳凰臺上幾
回登

送僧歸廬山

揚子江頭木葉風上人歸興白雲重淨瓶滿貯
蓬萊水客舫遙听精舍鍾到家自笑門前鶴洗
沐不驚潭底龍珍重匡廬山畔路逢人應問舊

栽松

次張舉龍題皖山金氏綉野亭

南冠猶有舊風流說看舒州處幽景喜園林
動花竹不妨城郭帶林丘一樽濁酒青山暮三
徑晚香黃菊秋未識孤高金處士杖藜應許約
同遊

贈莫州同年縣尹米思泰

倦客重來憶去年荒城斜日淡炊烟民居星散
無官訟里巷秋深盡水田禾稼半生城郭裏槐
花亂落縣門前路傍父老頭如雪共道文章令

尹賢

送劉子謙照磨之廣西半生流落

一官未厭馬蹄遙要使南荒識鳳毛幕府紅蓮

開白晝轅門碧草暎青袍牙旗曉濕壘烟重羽

箭宵鳴嶺月高努力平徃當第一剖符懸印賜

勲勞香奩集卷末惜不高金賈士勉策取信

和馬昂夫雜詠賞心亭懷古青山暮三

景陽宮井綠蕪深空有揚花暗御林一自朝雲

歸寺裏幾面明月到樓心陳臺露冷蛩聲苦楚

水波寒鴈影沉白髮詞臣多感慨長歌對酒向

誰對

河遍闌干憶社年文物已蕭然空遺故國

山如畫依舊長江浪天半并笙歌今漸少御

舟灯火支相連舟奈淮柳幾度飛花送

客船

上趙涼國

笑辭天上九鼎貴來種江東二頃田屈指已無

元老在全身陪有國公賢新亭下必悲王道豈

澤可雷改哥年如此聲名半天下人間野史亦

贈學古澹上人

瘦影相隨九節筇
同袍無處不從容
看天目山中寺
來聽石頭城
重鍾洗鉢泉
通陳井水開
窓雲度蔣陵松
忽聞一夜猿啼月
不憶飛來最上峯

送君卿伯楨三御史廣東僉憲時僕在

燕南

沙頭酒熟惜別離
江波日色浮繡衣
清溪鷗鷺白蕩
白下楊柳青
依秋雲雙颺嶺表
去明

月一鴈燕南飛
曲江有酒願相憶
莫遣鯉魚音信稀

送龍翔寺約上人之俗歸宜興狀寺

雲水上人歸興忙
棕鞋蒲扇葛衣涼
過湖就得鄉船便
入寺行穿茶樹香
早起鐘聲持木鉢
夜隨灯影認禪床
定回却憶潛龍處
曾任西廊幕

再遊崇禧寺

野人再到城南寺
臨水芙蓉次第開
新酒瓦盆青嶼竹
舊題石壁綠封苔
夕陽半嶺牛羊下
秋

色滿天鴻雁來獨上新亭天地濶不須揮淚洒
蓬萊

遊青溪道院

晚涼喜見城東月高照西隣道士家丹室火光
穿樹木石壇播影走龍蛇蝦鬚捲夜收雲氣仙
掌擎秋瀉露華倚杖扣門驚鶴睡珊瑚珂珮隔
青霞

題李遵道畫竹水圖

風流未識生前面翰墨空遺死後名鳳尾拂雲
秋有影龍頭出水夜無聲半生清節江南夢萬

里靈槎海上行應逐錦袍美明月倒騎赤鯉對
吹笙

送張都事南臺

幕府三年水雪裏清溪秋水照芙蓉早霜兩鬢
厭為客明月滿船空載書憶昔中臺簪豸角曾
封直諫動鸞輿而今江海多歸思白髮慈親暮
倚閭

送南臺察院吏馬允中臺

御史臺郎書上考彩衣歸慰日相親風烟驛路
江天接灯火船窓雪夜春幕府十年心似水京

華三月馬如塵此時應有尋君處日到松廳莫
厭頻

和張仲舉涓溪夜行

溪上人家溪樹青溪行野客思冥冥
月光蕩水游魚出屐齒穿花宿鳥醒
蔓草古陵神道沒風櫃夜火鬼祠靈
後庭遺曲依然在商女孤歌不忍聽

九日

北園山前逢九日小涼天氣入青袍
浙江水落玄霜下吳地秋深白鴈高
落帽看花憐我輩呼

鷹戲馬憶見曹孫劉事業今何在斗酒聊書太

白豪

休上人見訪

京口叅軍門不出鶴林老子轎相過
主人病久來車少門巷秋深落葉多
金帳人趨新党項塵寰誰識病維摩
如何與子談詩夜鴈雪空林落凍柯

清庵携酒訪

采石仙人携酒來病顏今始為君開
何人更有八十歲與子恣傾三百盃
金縷歌殘銀燭短錦

袍醉倒玉山頽明朝酒醒重相見杖屨江村看
早棹

送友人進柑入京

綠髮叅軍門不出黃岩老叟肯相過九重玉食
常年進千里金柑細馬馱綠水青山南郡遠
袍貂帽北風多同年若問儂消息為說愁來無
奈何

送友人之廣西

昂昂野鶴在鷄群客裏相逢又見分酒醒玉簫
江左月夢回白馬廣西雲洞庭秋水連天去
蓬

業寒漸入夜聞君過此時應憶我逢此際却
思君

四時宮詞

御溝漲暖綠潺湲風細時聞響珮環芳草宮門
金鎖閉柳花簾幙玉鈎閑夢回綉枕听黃鳥困
倚雕欄看白鷗落盡海棠天不管脩眉慚恨鎖
春山
日長縫就縷金衣高柳風清拂翠眉閑倚小樓
題畫扇但聞別院笑彈碁主家恩愛有時盡賤
妾心情無限思又向晚涼新浴罷琵琶自撥斷

賜詞制無別想又白如春流俗稱詩書自舒
宮溝水淺不通潮涼露瑤街濕翠翹天晚不聞
青玉珮月明偷弄紫雲簫正宮夜半羊車過別
院秋深鶴駕遙却把閑情望牛女銀河烏鵲早
成橋
悄入深宮不見人倚門惟有石麒麟芙蓉帳冷
愁長夜翡翠簾垂隔小春天遠難通青鳥信瓦
寒欲動白龍鱗夜深怕有羊車到自起籠灯照
雪綬

京城春日

三月京城飛柳花燕姬白馬小紅車旌旗日暖
將軍府絃管春深宰相家小海銀魚吹白浪層
樓珠酒出紅霞塞驢破帽杜陵客獻賦歸來日
未斜

贈劉尊師

羽人推轉阿香車童子穿松入翠華天上賜衣
沾雨露山中詩錦織雲霞瑤壇紫氣秋橫劍石
屋丹光夜走砂擬借茅君三日鶴乘風騎到玉
皇家

訪揭曼碩秘書

城中車馬多如雲，載酒問之無一人。碧桃花開
光艷，硯池水暖波粼粼。先生楷書白晝靜家
畫，畫紙烏絲勻落紅。滿地送客去，十年不見江
南春。

采石懷李白

莫羨金雞萬里天，醉揮秃筆掃蠻箋。錦袍日進
酒一斗，采石江空月滿船。金馬重門天似海，青
山荒塚夜如年。祇應風骨蛾眉妬，不作天仙作
水仙。

登石頭

登臨未惜馬蹄遙，右木秋高萬葉凋。廢館尚傳
陳後主，新碑猶載晉南朝。年深暗路埋花徑，雨
壞山墻出翠翹。六代興亡在何處，石頭依舊打
寒潮。

題舒真人仙山樓觀圖

瑤花琪樹間霓旌，十二朱樓接五城。臺上吹簫
秦弄玉，雲邊度曲許飛瓊。光流漢殿青鸞舞，霞
擁函關紫氣明。方丈蓬萊俱咫尺，不須東望閉
長生。

次韻送虞先生入蜀代祀

芙蓉仙掌座中低后土生光手可齊澗道號雲
衣有潤蜀天漏雨石無泥岐山過馬應聞鳳陳
寶傳無真信雞柳馬大邦文物盛題詩須近草
堂西

寄句曲外史

霞珮翩々出洞天當時彷彿見矚仙幾年海上
張公子今日山中葛稚川滄海塵飛丹已熟玉
堂人去榻空懸林間載酒來相覓乞寫丹經與
世傳

寄王本中

王郎楚々金闈秀五鳳樓前看闔雞花外漏傳
銀箭午日遺班退紫宮西吟詩月白傾壑露歸
馬春紅踏錦泥應念棲遲江左客破窓燈火雨
凄々

次韻寄茅山張伯雨二首

句曲道人門不出幾時杖屨接慈懃春晴洗藥
分泉去午睡烹茶隔竹聞山脚客行驚犬吠樹
皮苔老結龍文三層臺上月如水半夜吹簫入
紫雲

天際三峯翠色浮更於何處覓瀛洲也知方外

神仙好不識人間見女愁白犬吠人驚夜鬼珠
簾捲雨入明樓掛冠何日尋高隱竹杖芒鞋絕
頂遊

過孫闡

將軍一去繁華盡池館長年鎖暮霞金谷東風
只芳草綠窓晴日自楊花鶯兒別去空歌樹燕
子歸來無主家王氣東南已消歇景陽宮沼夕
鳴蛙

同吳郎飲道院

三月江南飛柳花松間童子臉如霞旋守樂在

仙人酒來醉山陰道士家西日下城人影散東
風吹馬帽簷斜吳郎今夜亦洲渡回首江頭月
滿沙

病中夜坐

江樹花開午夜春綠香吹散隔簾雲吟詩思苦
家人罵搗藥聲高隣舍聞惟有工程食白木亦
無心事對紅裙消愁且喜樓西畔明月一池蛙
亂喧

觀駕春遊二首

蕭韶風細入清虛日暖旌旗卷復舒雙鳳曉開

金翅扇六龍春駕紫雲車將軍斜插黃金虎丞
相低懸碧帶魚遙想宮盤露珠滑江南渴殺病
相知

日奏雲間紫鳳韶春隨天上拓黃袍伏前虎將
千金斧馬上鷹兒五色綵獵士開弓黃犬壯宮
官擊鼓紫駝高侍遊亦有中書令七寶雕籠者
綵毛

送僧還江西

病僧歲晚歸何處落日空山白鴈聲洗鉢欲辭
揚子水買魚多上豫章城雲深廬阜青松老風

細翻湖白浪集更展諸方圖畫養高低遠近互
縱橫

寒夜即事

枕邊漏水催更箭城下霜風動捲蘆寒夜綉簾
人送酒小樓銀燭客提壺自憐今日江南夢猶
認當年柳下墟又擬上元燈火夜扁舟載酒下
姑蘇

招隱首山分韻得生字

龍飛鳳隱知何處今日空餘黃鵠名千古江山
圍故國五更風雨入空城猿啼洞府暮雲含花

洛祠堂春草生何日結茅向青壁抱琴坐石聽
泉聲

殿試謝恩次韻

御柳青、白玉橋無端春色暖宮袍蓬萊雲氣
紅樓近閭闔天風紫殿飄士子拜恩文物盛舍
人貧禮旺聲高小臣雖出江湖遠馬上聽鶯夢
早朝

遊竹林寺

野人一過竹林寺無數竹林生白烟江左玉龍
埋碧草月明黃鶴下青田樹街宿雨藏山鷓鴣

落春風老杜鵑何日來分雲半榻故人不用買
山錢

次韻送人還茅山

八十華陽洞裏仙朝回劍履御堦前丹砂出鼎
無餘火白髮看經有太玄三月雲江春似海九
重金關日如年歸來依舊茅山月道德明言說
五千

酌桂芳庭

桂枝秋露洗銀瓶醉裏題詩記蒼曾接竹池通
丹井水隔松人誦藥珠經茶香石鼎燒紅葉酒

渴水盤破紫菱一帶鍾山青未了碧窓雲氣護
龍亭

賀內臺治書奉勅樹碑先塋

獬豸豸冠侍紫皇綉衣玉斧破炎荒江東丘壠
雲山好天上文章雨露香句曲洞中天紫翠鳳
凰臺上月清光忠臣孝子千年意永刻豐碑不
可忘

遊長干寺

秦淮河上長干寺松栢蕭蕭雲日鮮故墟尚存
銅雀為斷碑猶載晉朝年石壇旛影風吹動輦

路磚花雨滴穿惟有長廊舊時月幾回缺後幾

回圓

次韻三首

之子慇懃何處來清談煇茗不論杯五更門外
過風雨四月街頭買杏梅喜客有情窓動竹吟
詩無興硯生苔君家白酒何時熟病起應須去
不回

池塘過雨水生漪倚檻觀魚自悅怡長日似添
詩有趣故人因為病相知涼風忽過簾鈎動午
箭初長刻漏移何處榴花照人面隔牆紅過兩

三枝

江南三月踏殘芳
白苧衣輕樹影涼
曲巷銀燈先馬去
誰家翠袖隔簾香
細歌金縷鳴牙板
新酒樽樽出玉漿
臥病日長思往事
買舟乘興過滄浪

廣平馬懷素寓居姑蘇雨中見過

湖海相逢若弟兄
丈夫志氣共誰論
江山如此苦多夢
風雨蕭然忽過門
為客尚嫌吳俗薄
哦詩久別楚音存
明朝北固接中去
共聽江声倒百樽

送人之金陵

江城積雨開新霽
行李蕭蕭去遠
桐千古風光
髮邊白六朝山色
馬頭青秦淮月出潮初上
蕭寺鐘聲酒半醒
莫唱當時後庭曲
幾臺衰草自飛螢

寄良常伯雨

良常道士人不識
終歲看山不下樓
隔屋木香開酒甕
捲簾樹色入茶甌
雲深石燈麋鹿下
月黑松崖猿鶴愁
安得飄然出塵鞅
長年送別若為遊

奉次參政繼學三先生海南還桂林道

中韻

空山幽響落林柯
蚩犬吠之吠碧蘿
大庾嶺頭三月盡
鬱孤臺下幾人過
檳榔雨過鳩鳴急
荔雲深綠嘯多
幾度裁詩寄相憶
江南如此奈愁何

無題

為客三年海上洲
故鄉何處瘴雲稠
數千里外蠻人域
斗八灘頭過客舟
時有山禽呼姓字
或從海鳥作朋儔
故人珂珮周旋處
紫照風清十

二樓

南安道中

筍輿初下上江船
無幾青山入枕邊
幾處猿啼愁入瘴
五更雞叫夢朝天
不堪歲月如流水
賴有文章似湧泉
歸日鄉人問何往
云從海上覓神仙

章貢道中

多情明月落船傍
萬里孤城望帝鄉
客裏已無金馬詔
篋中猶有賜衣香
嶺南地濕家山暮
天上風微殿閣涼
憶得當年曾夜直
玉龍銀箭漏

聲長

吉安道中

西風吹鴈不成行，萬里孤舟下夕陽。
度峽冷風歌客帽，捲簾涼月落琴床。
江湖水滿鷗偏樂，花柳春深馬正忙。
又看青原山色好，故鄉歸計喜相將。

采石謾興

誰記將軍亡國時，江東父老髮如絲。
古今天塹幾千里，南北樓船百萬維。
中國一蜚傳箭檄，前朝謾有渡江碑。
太平到處山如畫，暖日晴風颺

酒旗

次韻登凌歊臺

山勢如龍去復迴，閑雲野望護崇臺。
離宮夜有月高下，輦路日無人往來。
春色不隨亡國盡，野花只作舊時開。
斷碑衰草荒烟裏，風雨年年上綠苔。

過姑熟懷陳行之教授

經過姑熟多佳趣，卜築黃花老亦佳。
白髮故人田負郭，青鬃遊子客為家。
郡齋簷雨閑碁子，官路山風過棟花。
自咲欲歸未得裁，詩相憶墨

翻鴉

宿青陽雲松臺二首

九老排雲獨擅尊，衆山拱戴似兒孫。石房仙去
神光現洞府，龍歸雨氣昏。上古幾年埋地軸，至
今九柱插天根。何時身在層峯頂，手把丹書扣
帝閣。

縣門遙接九霞山，日下天關圖畫看。雲氣曉連
銅篆，濕翠光晴鎖硯池。寒入閭官府，紅塵馬天
上。神仙白玉盤，高臥雲松定。何日仰扳北斗，夜
闌干。

過五溪

萬壑泉聲下五溪，小涼天氣下溪時。相逢橋上
無非客，行盡江南都是詩。苦雨最嫌鳩喚急，夢
山不厭馬行遲。幾時宿向華峯頂，露月蕭蕭生
松枝。

九華山題石潭驛

馬上行人看九華，巖巖高旆倚天涯。排空峭石
生玄筍，落日竒峯掛赤霞。仙掌九秋擎露屑，天
河半夜礙星槎。雲中五老應招手，喚客來遊太
乙家。

寄中曹學士除浙江財賦總管聞至姑蘇
錢塘西府曹學士飲酒吟詩亦快哉閑醉時遊
虎丘寺浩歌獨上姑蘇臺一生好客黃金去百
歲催人白髮來藉聲名滿天下朝廷今日肯
遺才

夢登高山得詩二首

登高遠望四山齊何處風流杜牧之白苧曾聽
松下鳴紫簫還向月中吹野雲雨後無行跡芳
卓春深有斷碑夢裏勝遊閒記得翠微高上寫
烏絲

杖藜踏破碧崔嵬夢裏清遊樂未回萬壑泉声
松外去數行秋色馬邊來文章小社人何在風
雨重陽菊自開山路雲深行客倦竹雞飛上獨
春臺

石門懷舜咨夜坐

道人掛劍丹陽去欲入茅山恐未嘗飛去雞尋
雲外鶴歸來獨禮斗前燈夢回洗鉢分秋水酒
渴敲壺碎夜冰獨有江東未歸客西風詩骨瘦
峻增

建德道中

泉作溪流右作橋桑麻成塊接東饒雞鳴犬吠
人家近水轉峯回驛路遙虎嘯樹林風獵人
行弓箭馬蕭蕭多情一片吳天月夜々相隨伴
寒寥

寄湖南張子壽以西臺御史拜前職素
有退志故舉兼善勸之

初拂綉衣來日下又持憲節駐湖邊鐵冠晴雪
照荆國羽扇清風掃瘴烟客館如聞鷓鴣語鄉
程好買洞庭船伏乞御史今何學已過揚州看
月圓

大同驛

題詩洒墨江東驛筆力猶能挽怒濤飛騎將軍
朝出獵打門縣吏夜催徃天高路遠心如水夜
永愁多獨過橋却憶玉堂諸學士鳳池東畔珮
聲遙

畚茅山道士見寄

道人自有愛山癖蠟屐平生幾兩穿七竅冷雲
秋噴竹一琴明月夜調絃山中紫府茅君宅肘
後丹方許史傳短褐擬尋黃犢出長鐙斲雪早
春前

酬張伯雨寄茅山志

恨余未識茅君面喜得茅山道士書
燈外雨聲那厭聽風前石髮豈堪梳
碧窓雲氣寒生楮清室丹珠夜繞厨
夢到層臺夜披卷桂林風動月踈々

奎章閣觀進皇朝經世大典

文章天子大一統館閣詞臣日纂脩
萬丈奎光懸祕閣九重春色滿龍樓
門開玉鑰芸香動簾捲金鈎硯影浮
聖覽日長萬機暇墨花洗出鳳池頭

西宮春日

九重五采金銀闕冠帶將軍盡羽林
上苑春鶯隨柳轉西宮午漏隔花深
天開閭闔收金鎖簾捲奎章聽玉音
白髮儒臣賣詞賦長門應費萬黃金

登鳳凰臺

梧桐葉落秋風老人去臺空鳳不來
梁武臺城芳草合吳王宮殿野桃開
石頭城下春如水燕子堂前雨長苔
莫問人間興廢事百年相遇且啣盃

京師春夜呈宋禮部

柳色無端染翠裙
官街車馬去紛紛
鶯花御苑春多少
漏箭宮壺夜幾分
金綫悠揚燕市月
玉簫繚繞鳳樓雲
太平天子息如海
亦遣餘音客枕聞

送王習靈新授宗師朝京

玉珮珊珊下界聞
天風吹動碧榴裙
劉郎跨鶴遊三島
王子吹簫到五雲
花洞夜深傳玉印
石壇月黑禮茅君
若逢天上吳夫子
應有丹砂肯我分

飛鳴宿食鴈

年去年來年復年
帛書曾達茂陵前
影連薊北月橫塞
聲斷江南霜滿天
雨暗蘆花愁夜渚
露香菽米下秋田
平生千里與萬里
塵世網羅空自懸

寄新原林道士

我識華陽林道士
步虛空裏帶淮腔
幾年掛劍茅君洞
一夜渡船揚子江
醉酒慣眠松下石
題詩愛近水邊窓
仙家白鶴養無數
不惜人間借一雙

遊鍾山

駸馬穿雲到上方南巡輦路碧苔荒
禪僧白晝看竹殿山鬼黃昏避御床
雲冷夜深龍在鉢日長時有虎巡廊
小桃十月開如錦猶帶前朝雨露香

登北固城樓

醉拍闌干起白鷗登臨不忍古今愁
六朝文物隨流水三國江山獨倚樓
禿髮涼風吹木葉孤城落日下簾鉤
海門不管前朝事猶送寒潮打石頭

鶴林僧送竹筍

搜糶桐帽走風潮正是山僧送笋時
夜月不留栖鳳影春雷失却化龍枝
從來不識葛藤味此去方參玉版師
老子嘗中水雪滿歲華晚節更相期

遊鍾山

林影扶疎護碧苔有與上下路縈迴
潮聲萬壑松風過雲氣滿樓山雨來
梁武廟荒春草冷荆公墓在野棠開
百年感慨成何事且進生前酒一杯

陪張御史遊鍾山

烏府仙人獬豸冠清遊喜得共儒酸
鷓鴣花過雨千岩淨駘馬穿雲六月寒
山鬼每驚詩句險客懷惟愛酒杯寬
一時佳興千年遇莫作浮生半日者

和同舉觀志能還武昌

短衣匹馬走江濱
漢山川盡一何雄
武漢陽城高鼓角動
洞庭水深流雁水
雪消已蜀浪翻屋黃
鶴磯下声如雷
是時立馬夜呼渡
清江苦竹聞
旅哀

題半山寺

今日偶成林壑趣清幽恨未得從容
龍歸石洞半山雨潮捲天風十里松
春路泥深多滑馬晚樓霧重只聞鍾
荆公舊隱知何處回首蒼莖第幾重

江城翫雪

雪正絲、客倚欄長江風急吼天闕
千重鐵甕成銀甕一夜金山換玉山
舟子迷歸寒浦外衲僧款在白雲間
曉來霽日高秣照好景依然悅我顏

遊金山

約客同遊買渡船
開觀古刹禮金仙
山中好景無多地
天下知名第一泉
佛聞齊雲浮海與
客帆過寺帶風烟
當年郭璞因何事
來蒞江心作浪傳

平望驛道

左帶吳松右丑湖
人家笑語隔菰蒲
風濤不動魚龍國
烟雨翻成水墨圖
越客掛吹船上笛
吳姬多倚水邊壚
鑑湖道士如招隱
一曲他年得賜無

送王御史

駉馬如龍玉作鞭
江頭下馬上官船
承恩不比尋常輩
入諫頻頻擔颯天
草滿畝田多戰骨
花飛驛路少人烟
憲臺自是清高甚
時事關心易白顛

題玄妙觀玉皇殿

虛空臺殿枕層岑
木杪丹梯起百尋
花落鳥啼青竹裏
客來犬吠白雲深
松壇晝日移幢影
石室天風送鐸音
老鶴如人窓下立
閒聽羽士理瑤琴

復題平望驛

秋雨皇華下九天又隨歸鴈過吳川
荒村有火夜投宿野渡無人秋放船
中酒不堪連夜飲思家無柰五更前
歸來却被青山笑萬丈黃塵兩鬢烟

陸天錫詩集

七言古體長短句歌行謠曲

鸚鵡曲題揚妃綉枕

水晶簾垂宮晝長六曲屏風圍綉床
美人春睡苦不足夢隨飛燕遊昭陽
覺來粉汗濕香臉一線新紅枕痕淺
三十六宮在眼前五色香雲隨指轉
牙床端坐揚太真雲冠霞珮絳色裙
雙成小土畫宮樣綉衣烏帽高將軍
雕籠七寶掛宮樹玉案銀盤看鸚鵡
可憐鸚鵡解人語不說漁陽動鞞鼓
迺知禽語能戲人不知人語能殺身

亡家敗國汚天地天生尤物夫亦嗔一朝艷質
化塵土可恨可憐千萬古香魂不逐馬塵飛猶
記深閨綉房女重簾紫霧垂洞房錦屏綉褥蘭
麝香夜深酒醒換銀燭時見楊妃在耳傍君不
聞張麗華墮宮井銅雀章臺煙燼冷繁華一夢
人不知萬事無非郭呂公枕

華清池題楊妃病齒

沉香亭北春華早長海棠晴起淚殘粧清歌妙舞
一時靜燕語空啼空斷腸朱唇半啓福房破胭
清紅注珠珠一點春酸入瓠犀雪色鮫綃濕

香唾九華帳裏薰蘭烟玉牀曲枕珊瑚偏玉釵
半脫翠蛾斂龍髯天子空垂涎妾身雖侍君王
側別有閑情向誰說斷腸塞上錦柵兒萬恨千
愁言不得城都遙進新荔枝金盤紫露甘如飴
紅塵一騎不成咲病中風味心自知君不聞華
清宮一齒作楚箴禍根又下聞馬嵬坡一身濺
血未足多漁陽一日鞞鼓動始覺開元天下痛
雲臺不見漢功臣三十六牙何足用明眸皓齒
今已矣風流何處三郎李

楊花曲

燕京女兒十六七，顏如花，紅眼如漆，蘭香滿路。
馬如飛，窄袖短鞭，嬌滴春風，淡蕩搖春心。銀
箏銀燭，高堂深綉裳，不暖錦鴛夢。紫簾紅霧，天
沉芳華，誰惜去如水。春困着人倦，梳洗夜來
小雨潤。天街滿院，揚花飛不起。

海棠曲

內家楚王諸王孫，白馬金鞍，耀日暄樽。前細樂
耳厭聞，世上閑愁生不識。宮錦裁成五色雲，真
珠蹙就雙龍紋。衣裳光彩照暮春，紅靴着地輕
無塵。翠撈珠箔，玉鈎掛腸，斷緘腰無一把。海棠
花底，晝聞鶯太液池邊，春洗馬千枝萬枝。桃杏
紅花枝，飄香薰酒中，歸來月落酒未醒，有詔早
入明光宮。

紫珠宮

芙蓉城裏白玉樓，水簾倒掛珊瑚鈎。美人宴坐
太清室，蛾眉不鎖人間愁。彩橋東畔揚花轉，飛
到三天紫清殿。仙裳日暖藕絲香，燕語鶯啼動
幽怨。天風吹珮環，霞冠不整，偏雲鬢。蕭郎
風骨，何可得紫蕭赤鳳，遊雲間。瑤壇午夜霜華
重，羅襪生寒紅一寸。錦屏甲帳，藥珠新雲房火

鼎丹砂嫩天宮仙女淡々粧桃花洞口逢劉郎
巫山神女弄雲雨楚臺人去空斷腸步處聲斷
攔干外春去秋來顏色改東風吹老苦挑枝深
院無人夜如海

蘭皋曲

溪水潤蘭長幽芳春溪露滴蘭葉光美人日暮
采蘭去風吹露濕芙蓉裳芙蓉為裳蘭結珮玉
立亭亭臨水際天寒袖薄人不識踈雨蘭香鳴
翡翠幽蘭日日吹古香美人不來溪水長

芙蓉曲兼善狀元御史

秋江渺々芙蓉香秋江女兒將斷腸絳袍春淺
護雲暖翠袖日暮迎風涼鯨魚風起江波白霜
落洞庭飛木葉蕩舟何處採蓮花愛惜芙蓉姸
顏色

威武曲

桓々燕將軍威武天下一赤面注丹砂虬髯如
插戟當年意氣何鷹揚手扶天子登龍床五年
垂拱如堯湯白日騎龍昇上蒼桓々燕將軍威
武何可量熹微日色出東方早令一出照八方
毋使三月人皇々毋使三月人皇々

如夢曲哀燕將軍

芙蓉花為誰好洞房昨夜將軍老將軍老去空
鐵衣漆燈照室人不歸
宮錦袍毡帳高將軍夜酌涼蒲萄蒲萄力重醉
不醒美人猶在珊瑚枕
海子頭誰家樓綉簾半捲風悠々行人謂是將
軍府將軍不來罷歌舞

將軍容丹砂紅威風凜々盖世雄出門千騎塞
行路今日蕭々去何處

平村曲春水綠將軍獵回曾以宿將軍一去成

危丘依舊平村春水流

皂鷗騰紫騮馬將軍圍獵平沙野朔風蕭々吹

野寒將軍戰馬遊不還

將軍功世莫比皇都甲第連雲起將軍一去空

鎖門上馬臺邊無一人

皓齒歌細腰舞綠窓朱戶將軍將將軍老去無

少年為野草兮為荒田

如花人櫻桃唇語人近前心用嘆繁華日々空

歌動世事悠々總如夢

朝作樂暮作樂朝暮杯盤金錯落日欲盡東

方明歡樂未已悲哀生

卧病書懷

去年走馬尋魏關十里五里迷風烟孤臣泣血
紫塞外壯士倚劍青雲邊今年卧病在江海呼
兒夜讀歸來篇結茅倚壁知何處飽聽一枕松
風眠

東坡謠

寒梅零落春雪洒蕭娘腰瘦無一把淡黃楊柳
未成陰何人已紫青駝馬盡接深處迎春歸報
誕影裏紅杏肥海棠花氣濕人面東風吹冷輕

羅衣上料珠流不歇暗解翠裙花下指殷勤
莫遺燕子知會向人間報風月

過嘉興

三山雲海幾千里十幅蒲帆掛秋水吳中過客
莫思家江南畫船如屋裏蘆芽短穿碧沙船
頭鯉魚吹浪花吳姬蕩棹入城去細雨小寒生
綠紗我歌水調無人續江上月涼吹紫竹春風
一曲鸚鵡詞花落鶯啼滿城綠

皂林舟中

春塗野鴨肥可射幽樹深陰叫山鷓遠人三月

酒如過柳絮飛時杏花講竹之水竹上雲林往
往人家或僧舍小官便欲賦歸米何處買山錢
可借

江南樂

江南樂春水紅橋滿城郭出門不用金馬絡門
前花船如畫閣綠紗窓虛鎖春霧隔窓蛾眉秋
水活翡翠冠高羅袖颺楚舞吳歌勸郎酌紫竹
瑤絲相間作船頭柳花如雪落船尾彩旗風綽
綽秉燭夜遊隨意足人生無如江南樂

江南怨

江南怨生男遠遊生女賤十三畫得蛾眉成十
五新粧識郎面識郎一面心猶淺千金買官遊
不轉郎家水田跨州縣大船小船過淮甸買官
未得不肯歸不惜韶華去如箭揚花薰幕飛乳
燕踈雨梧桐閉深院人生無如江南怨

登歌風臺

歌風臺下河水黃歌風臺上春草碧長河之水
日夜流碧草年々自春色當時漢祖為帝王龍
泉三尺飛秋霜五年馬上得天下富貴樂在歸
故鄉里中故老爭拜跪布襪麻鞋見天子龍顏

自喜還自傷一半隨龍半為鬼翻思向日享長
時一身傳檄日夜馳只今宇宙極四海一搗之
外難撐持却思猛士衛神宇安得長年在鄉土
可憐創業垂統君却使乾機付諸呂淮陰年少
韓將軍金戈鐵馬立戰勲箠弓烹狗太急迫解
衣推食何旋勤致令英傑遭婦手血濺紅裙急
追首蕭何下獄子房歸左右功臣皆掣肘還鄉
却賦太風歌向來老將今無多咸陽宮闕親眼
見今見荆棘埋銅駝臺前老人淚如雨為言不
獨漢高祖古來此事無不然稍之莽平忘險阻

荒涼臺前人已矣今人哀悲歌感愧下臺去斷
碑春雨生莓苔

過居庸關至順發回歲

居庸關山蒼々關南暑多關北涼天門曉開虎
豹臥石鼓晝擊雲雷張關門鑄鐵半空倚古來
幾度壯士死首根白骨棄不收冷雨陰風泣山
鬼道傍老翁八十餘短衣白髮扶犁鋤路人立
馬問前事猶能應言丘墟夜來鋤豆得弋鐵
兩蝕風吹失顏色鐵腥惟帶土花青猶是將軍
戰時血前年人復鐵作門魏貅萬竈如雲屯生

存有功掛玉即死者誰復招孤魂居庸關何崢嶸上天胡不呼六丁驅之海外休甲兵男耕女織天下平千古萬古無戰爭

題魯

港驛

和貫

齋

題壁

吳姬水調新腔改馬上郎君好風采王孫一去春草深謾有狂名滿江海歌詩呼酒江上亭墨花飛雨江不晴江風吹破蛾眉月我亦東西南北客

寒夜聞角

野人卧病不得眠鴻心盡角盡淒然黃雲隔斷

塞北月白鴈叫破江南烟山城地冷迫歲暮野梅雪落溪風顛長門美人怨春老新豐還惜少年好夜深悲壯声搖天萬瓦月白霜華鮮野人一夜夢入塞走馬手提鐵節鞭髑髏飲酒雪一丈壯士起舞氍毹帳前五更夢醒氣如虎將軍何人知在邊

宣政同知燕京問報國哀時

文皇晏駕

雨傾盆風擲瓦白髯使者能騎馬相逢官長馬不下馬上云、淚盈把

天柱傾天不晴白髯使者東南行東南山水失
顏色一夕秋風來上京

鼎湖哀

荆門一日雷電飛平地豎起天王旗翠華遙
照江漢八表響應風雲隨千乘萬騎到関下京
師復覩龍鳳姿三軍殲破古北口一箭血洗潼
関屍五年晏然草不動百穀穰經風雨時脩文
偃武法古道天閣萬丈奎光垂年々此狩循典
禮所在雨露天恩施官官留守掃禁闕日望照
夜迴金鷄西風忽湧鼎湖浪天下草木生號悲

吾皇騎龍上天去地下赤子將馬依吾皇想亦
有遺詔國有社稷燕太師太師既有生死託始
終肝膽天地知漢家一綫繫九鼎安肯半路生
狐疑孤兒寡婦前日事况復先生親見之

歲云暮矣

歲云暮矣子將馬之江南木落鴻鴈飛娟娟美
人淮水茫茫淮水去不止相思日千里
歲云暮矣子將馬往燕山雪花大如掌娟娟美
人淮水上淮水日夜流相思人白頭
歲云暮矣子將馬行江南木落天雨霜娟娟美

入淮水傍淮水不回頭行人上小舟
京口寒夜和葛秀才床字韻

秋高馬肥弓力強山空木落天雨霜
草不動漢家將軍一丈長江南地濕小臣病閉
戶一月不下床願言昭代舉天網亦有枳棘栖
鸞凰

江上聞笛

江上何人吹玉笛水冷沙寒龍夜泣
鮫人水底織冰綃洒淚行珠明月高
銀河淡月落鴈奴打更沙渚傍更深
綉被夜寒重明月梅花滿

地霜

夜寒獨酌三首

欲雪不雪風力強欲睡不睡寒夜長
玉奴剪落燕尾燭銀瓶煮酒浮鵝黃
三軍豪氣不可敵醉倒綠鬢參軍郎
夜深大吟且就枕明朝萬瓦看晴霜

去年健兒筋力強豪氣不減關雲長
揮戈叱咤陣雲黑邊風白晝吹日黃
將軍威武不可近錦袍赤面黃鬚郎
今年收功入將府烏靴曉踏天街霜

江風吹浪十丈強孤舟遠客愁夜長何如歲晚
在家者擁爐酌酒天昏黃蔡州鵝鳴挂元濟濤
沓馬渡悲王郎盃中有物且須盡勲業滿鏡生
秋霜

相逢行贈別舊友治將軍并序

予遷官出閩舟行抵興田驛二十里許
俄聞擊鳴金鼓應響山谷間隨見旌旗
導前兵卒衛後中有乘馬者毳袍帕首
徐行按轡矍目吾舟吾病久氣餒不能
無惧心也頃之興田驛吏以行輿見逐

遂舍舟乘輿嚮之旌旗兵卒移導輿前
馬從輿後輿行馬鳴途中未敢交一語
迫暮至邸舍燭光之下毳袍者進曰某
乃建之五夫巡檢官聞使君至候此將
一月矣某嘗三識使君面自都門一別
今已五載使君豈遺忘之耶僕驚謝曰
將軍何人也答曰某即使君舊交雲中
也熟視久之恍如夢寐雲中復能紀余
闕下半采時否耶歷々閔河舊遊如隔
世乃對燭光夜道故舊明日復同遊武

夷九曲煮茶酌酒臨流賦詩出入丹崖
碧嶂間心與境會天趣妙發長歌劇飲
相與為樂酒闌興盡秋風淒淒落水雨
下閨闕在望復作遠行予始見君而懼
次得君而喜終會君而樂又得名山水
以發揮久別柳鬱之懷樂甚而復別
而復悲之復繼之以思也嗟夫人生聚
散信如浮雲地北天南會有相見因賦
詩復為相逢行以送之
一年相逢在京口咲解吳鉤換新酒城南佻杏

花正開白面青衫鞭馬走一年相逢白下門短
衣窄袖呼郎君朝馳燕趙暮吳楚逸氣不覺凌
青雲一年相逢在關下東家蹇馱日相假有如
臣甫去朝天泥滑沙堤不敢打都門一別今五
年今年相逢滄海邊千山木葉下如雨鴈聲墮
地秋連天將軍毳袍腰羽箭擁馬旌旗照溪面
小官不識將軍誰卧病孤舟強相見豈知此地
逢故人摩挲病眼開層雲舊遊歷之如隔世夜
雨豈知思同群郎君別後瘦如許無廼從前作
詩苦溪頭月落山館深剪燭猶疑夢中語人生

聚散亦有時且與將軍遊武夷弓刀掛在洞前
樹洞裏仙童來覓詩稽首武夷君借我幔峯頂
分我紫霞盃與子連夜飲左手招子喬右手招
飛璫舉觴星月下聽吹雙鳳笙我酌一杯酒持
勸天上月勸尔長照人相逢莫向關山照離別
鳳笙換曲未終天風木杪飄晨鍾拂衣罷宴
下峯去又隔雲山千萬重

七夕後一夜樂陵臺上倚梧桐樹望月
有懷御史李公藝

涼風吹動梧桐葉瀉下冷露華白樂陵臺上

悄無人獨倚梧桐看秋月高當午桐影直不
覺衣沾露華濕此時却憶金陵人酒醒江樓听
吹笛

北風歌送王君實并寄憲副順子昌

北風日吹浮雲西南一星光射門出門見客
籍口坐打馬送君枚泪吞籍口私自知吞泪竟
何益木葉下玄霜日北風急北風吹淺淮南
波坐見白日浮雲多九閩虎豹卧不動柰尔孤
狸燕雀何

留別同年索士岩經歷

欲落不落天上雪欲去不去閩中人紅漣香暖
荔枝國白日醉卧芙蓉茵功名富貴倘兼物敗
事文章奚足珍人生所貴在知己四海相逢骨
肉親在知己寧論千里與萬里志士鷄鳴中夜
起秋雨鄰人劍光紫

走筆贈燕孟初

別君金陵城遇君錢塘驛洛水江湖懶折腰
笑傲公侯但長揖柳花吹香撲酒缸酒波灑
如春江西湖天鏡碧墮地吳山蛾眉春入窻
平生豪氣如虹吐餘子紛紛何足數驛亭旭
酒歌別

離醉聽江湖鳴蕩

借卞敬之遊吳山騎峯紫陽洞

天風吹我登驢峯大山小山石玲瓏赤霞日射
紫瑪瑙白露夜滴青芙蓉飄飄雲氣穿石室石
上涼風吹紫竹掛冠何日賦歸來掃石篝燈洞
中宿

過桐君山

桐山我住桐水清仙人不住芙蓉城山頭咲指
拈祠青至今山水俱得名丹光夜照江水赤
浪神魚夜飛出碧桃花下覓神仙白日山中遇

耕牧江深谷響山有靈東山人喚西山磨漁人
誤入水菴洞石崖倒掛丹崖藤祠荒路斷行人
少石上清風長瑶草月明黃鶴飛渡江仙人二
去梧桐老

夜泊釣臺

雙崖屹立幾千仞下有一葉之孤舟繁星亂垂
光燁々長藤古木風颼々荒祠幽黑山鬼集怪
石如人水邊立錫峯縹嶺雲氣深萬壑千岩露
滿山僧對語夜未央不知風露滿衣裳喚船
江去林黑無由歸上方高寒宇宙無人

語亂石灘聲洒飛雨欲傳嚴子倩羊裘坐待船
頭山月吐

武夷館方池

武夷之境多神仙我亦駐此臨風軒方池清夜
墮壁月重簾白日垂洞門暗泉湧池紫波動微
雨在藻金魚翻倚闌照影清光底柱杖卓石尋
無原洗頭玉女去不返遺此丈八芙蓉盆溪船
明日泛九曲出入紫翠聽潺湲便從此地覓真
隱何必商山求綺園

鐵眉雲謝照磨李伯真遺白石

仙人李大白俊逸天下聞芙蓉宮錦袍袖有珠
眉雲蛾眉山高劍門隔化為太古一片雪南州
北越打相從赤日炎風消不得今年東海逢故
人海波灑之蒲萄春酒酣拂袖墮秋水但覺滿
座光嶙峋夜深酒醒伴狂客玉井蓮開華峯白
海天落月掛石林坐卧猶疑見顏色禿克謾吐
蛾眉雲何以報答雙南金古人契義重金石此
物歲寒冰雪心

至元丙子歲育照磨單懷李君諒伯真以白石小山見遺泚否
光瑩奇秀礫石置之石林亭上名之曰蛾眉雲

題壽監司所藏美人織錦圖

卷中織錦秦川女大姬啞々弄機杼小姬織倦
何所思簾幕無人燕雙語成都花發江水春門
前馬嘶車轉々警雲兩耳省欲墮蛾眉八字畫
不伸行人一去無消息冰蠶吐絲成五色柔腸
九曲細於絲萬縷春愁政如織綺窓睡起聞早
鶯西樓月落金盆傾暖霞拂地海棠曉香雪潑
戶梨花晴日長春院機声動梭影穿花飛小鳳
水心驚起鴛鴦栖花底不成蝴蝶夢纖々玉指
柔且和香鈞小襪裁春羅泐懷心事付流水蕩

目雲錦迴青波佳人自古多命薄風裏揚花隨
處落豈知醜婦嫁田家生則同食死同槨君不
聞長安城中花滿枝東家蝴蝶西家飛籠中鷓
鴒喚新主門裏侍兒更故衣又不聞田家婦日
掃春蠶宵織布催租縣吏夜打門荆釵布裙夫
短袴我題此卷三嘆吁百年醜好俱虛無排雲
便欲叫閻闔為我獻上幽風圖

題畫馬圖

溪水揚波洗龍骨房星墮地天馬出四蹄蹀躞
若流星兩耳尖脩如削竹天閑十二連青雲生

長出入黃金門鼓繫振尾恣偃仰食粟何以酬
主恩豈堪碌々同凡馬長鳴噴沫奚官怕入為
君王駕鼓車出為將軍靜邊野將軍與尔同死
生要令四海無戰爭千石萬古歌太平

題雲山圖

我有將軍萬疊青換得琅玕半忘綠月明恐有
鳳來棲日暮何妨雲借宿清時海宇無烽烟五
風十雨歌豐年看山愛竹了公事焚香掛畫似
神仙城頭漏箭催更鼓將軍燕窠元戎府恠底
雲山光滿林床頭斜掛三珠虎

題陳所翁墨龍

畫龍天下稱所翁
先筆光射驪珠宮
長廊白日走雲氣
大厦六月生寒風
興來一飲酒一石
手捉玄兎旋霹靂
漲天烟霧晴不收
頭角崢嶸出插壁
全形具體得者稀
今日海邊親見之
滿堂光焰動鱗甲
倒拔海水空中飛
凌風直上九天去
天下蒼生望霖雨
太平天子居九重
來縵縵樓千萬石

題壽監司所藏瘦馬圖

沙場日暮春草肥
瘦馬不受黃金羈
天生神駿

天所愛豈容過事無人知
即官病坐芙蓉幙喜見馬圖
天上落人生相遇貴相知
孰謂世間無伯樂

題喜里客廳雪山壁圖

一年在京口雪片深冬大如手
獨騎瘦馬入誰家
四面雲山如甕牖
大江東去流無聲
金焦二山如水晶
瓜州江口人不渡
時有蓑笠漁舟橫
一年在建業
臘月揚花滿城雪
五更凍合石頭城
霜風鼓寒水柱裂
秦淮酒樓高十層
鍾山對面如銀屏
鷺洲不見二水白
天外失却三山青

一年在鎮陽燕山積雪飛太行滹沱冰合斷人
跡并徑路失迷羊腸長空萬里絕飛鳥捲地朔
風吹馬倒狐裘公子獵城南茅店酒宿懸樹杪
今年入閩閉馬蹄出沒千萬山瘴雲朝暮氣藹
藹石泉日夜声潺湲雪花半落不到地但見晴
空湧流翠海頭鼓角動邊城木末接臺出僧寺
何人寒馱踏軟沙出門無處不梅花江潮入市
海船集水暖遊魚不用叉良工寫出雪山壁過
眼令人憶南北玉京銀闕五雲端待漏何年鳳
池側

天寒日

和題吳閩京館王本中醉作竹石壁上

硯屏花落丹水香步虛白日声琅琅江南道士
愛蕭洒新粉素壁如秋霜三郎酒後衫袖濕醉
眼朦朧電光急黑龍雲重雨脚斜白兔秋高月中
泣倦遊借榻日觀東恍惚舊夢三湘中鷓鴣声
断江路遠青松雨暗春濛濛

梅仙山行

赤星落色漢祚微端門日之腥風吹成陽秋色
壓宮樹金人夜泣銅駝悲先生袖疏探虎窟漢
鼎猶堪支一足九重烟霧似海深門外何人知

慟哭賊莽白日升高臺玉璽墮地聲如雷周公
揖讓孺子戲絳袍將軍何日來塵飛滄海風擲
瓦白鶴身輕快如馬一聲鐵笛度關關山月溪
風共瀟洒龍爭虎鬪耳不聞長嘯袖拂松枝雲
夜鐺白石煮秋雨玉佩赤錦飄霞裙先生一去
幾千載尚有當年遺跡在題詩絕壁寄先生頓
使林巒顏色改藥爐窸窣秋草深丹井水落莓
苔侵至今火灰化為土猶有丹光穿樹林

釣雪圖

天寒日暮烏鴉啼江空野濶黃雲低村南村北

人跡斷山前山後玉樹迷詠樓酒香金帳暖豈
知蓬底魚羹飯一絲天地柳花春萬里烟波蓮
葉遠風流不數王子猷清興不減山陰舟人間
富貴草頭露桐江何處覓羊裘還君此畫三嘆
息如此江湖歸未得洗魚煮飯捲孤篷江上雲
山好顏色

登雲際題壁

長吟入雲際袖拂日邊霞摩挲織女機拄杖倚
靈槎聞說名泉竒觀倒瀉銀河千丈玉乳濺飛
花寄語陸鴻漸我有武夷茶令撲支鐺僧掃葉

鶴看家不妨茶罷酣歌醉飲直到日西斜滿筆
淋漓醉墨應有山靈夜護林壑動龍蛇秉燭下
山去渡口月籠沙

題四時宮人圖

紫宮風暖百花香玉人端坐七寶床鳳凰小
架懸夜月二女侍鏡觀濃粧背後一女冠烏帽
茶色宮袍靴色皂手持團扇不動塵一掬香弯
立清曉一女淺步腰半肥小扇輕撲花間蛾淡
陰桐樹一女立手抱胡床眼轉波床頭細鎖懸
金鍾白鶴双飛花影重詞人見此神恍惚巫山

夢裏曾相逢

金猊吐烟清晝長美人坐倚白玉床藍衫一女
髻垂耳手持方扇立坐傍一女最小不會粧高
眉短髮糝漆光玉纖綠笋握金剪柳下輕梳宮
人蒙金盤玉甕左右列紅桃碧藕冰雪涼冰壺
之傍立一女背後隨以雙白羊手拱金瓶瀉水
忙滴翅洒雪驚鴛鴦鴛鴦得水自雙浴美人抱
膝空斷腸

盆池露冷荷半枯碧波風細雙遊魚美人坐此
碧玉倚屏山方按碧蟾蜍倚後二女執纓立按

前二女橋滴々大女手扶小女腰小女嬌倚大
女膝涼風入樹落翠槐秋深不見羊車來金鈴
響處吠黃犬美人暎托芙蓉腮

錦屏三回圍綉床沉香椅上鳳褥光美人端坐
袖雙手臨眉半蹙愁夜長倚後一女伏白羽一
女執纓更回顧一女烏帽金縷衣玉指纖纖携
小女小女于倪大女腩笑看孔雀双翠翹可憐
美人獨自坐翠竹雪響風前梢

清明日偕曹克明登北固樓

江南三月萬花柳北固山頭一回首東風吹綠

揚子江灩々江波瀉春酒况乃又是清明失元
從一飲三百錢英雄一去幾千載當年飲者今
何在陌上冢々列紙錢孫劉高塚何人拜三月
三日風又暖千家萬家桃李開少年白日騎馬
去滿城紅雨拂面來共君且須飲一斗處世不
必歌七哀孫劉事業果何在百年斷石生蒼苔

送廣信司獄

江城六月涼雨餘吳郎買舟之總湖江南酌別
酒滿壺酒盡落日青天孤如君俊氣江海少奇
語驚人天所寶春鶯乳燕綠窓深酒醒夢回銀

燭小江東子弟多少年見君手采如神仙時明
刑措日無事擅板且下鵝湖船鵝湖山下秋稻
孰鵝湖山前秋水綠五風十雨樂太平肯使人
間有冤獄

和友人遊鶴林韻

何人結屋山之阻剩水殘山半間與竹院東風
僧未歸落日樓臺自鈴語劉家事業今沉淪空
餘黃鵠青嶙峋孫家氣際果何在當時未必分
偽真可憐處士若馮道安得罵賊如張巡百年
徃事空白日萬山花落如紅塵不如掃地傾二

斗徑造何必問主人東廊西廊雲不掃白鶴歸
來立華表沈郎敲棋山鳥驚陳郎落筆龍蛇遶
葛公飲酒不論錢何必三茅求悟道烏髯白面
郭將軍痛哭長歌寫懷抱了公絕若耳不聞何
處深山拾瑶草倚歌和者病叅軍了窓病起風
日好茶蘼滿庭香雪晴柳花簾幕倦春曉人生
樂事當勝遊山堂作者半日留古來此事誰不
樂只恐人去山靈愁

高堂劉侯定齋野友亭

淮陰季年韓將軍狡兔已死走狗烹沛中白髮

周將軍瑋色已滿細柳營何如高堂劉將軍太
平不許矢石勳掉頭青海無傳箭天山掛却烏
角中歸來買地築小亭潔水為鏡山為屏樵人
溪叟日相過野歌村舞醉復醒去年偶爾劍戟
鳴潼關馬過戰血腥白頭老子如不聞牛背一
笑千山青

賀山長丘臣敬復淮西田

鄞城公子人中英天恩教領來國城秋霜滿區
老劍鳴開口磊落肝膽明前年歲豐夏無麥去
年雨足秋無粟先生激烈氣不平館下誰令有

飢色揚眉掉臂傍無人義動天子耳目臣誰人
歸我三千里坐令孔席回陽春只今寒士望梁
棟文粹高梧天所用諸生食飽待先生日午杏
壇看舞鳳

補闕歌

錢塘三日風雨急古銅夜光飛霹靂是知神物
出人間猶帶吳宮上花碧玉橋素練懸銀河支
機女兒飛鳳梅鍛鬢風軟亂纖影春水日晴生
潮波破窓冷硯留不得零落江南酒家客狂歌
索酒仰面歎誤擊紅籌唾壺裂何人進入蓮葉

宮銀屏碧幙珠簾重此生補闕亦何用玉龍瀉
水流芙蓉

過淮河

淮水清河水黃出門偶爾同異鄉排空捲雲若
飛電隨風逐浪庸何傷東流入海殊不惡萬里
同行有清濁

擁爐夜酌嘲張友寄詩謝

張生不好飲飲酒如飲藥得酒味濡唇形影先
落魄野人飲不辭飲盡盃中酒酒渴向茶煙松
風語幽壑芳山道士胡不來一夜燈花向人落

送友人之京

霜高木落河始冰臺郎別我之燕京朔風迎面
飛鳥盡臘雪打帽鞭馬行新年捧表拜闕下春
寒詔賜玻璃觥朝官如問小參軍為言卧病丹
陽城

題南宮子蠟嘴圖

南宮山人何俊奇小窓睡起涼雲飛野棠秋早
霜子熟枯木葉高蠟嘴肥滿前粟之甘尔口政
猶癡心落人手五陵年少知尔名一飽無人早
回首

西樓別寄閩憲諸公

八月八日溪上別溪上彩旗紅獵獵離情已逐
渡江雲邊草連天剪秋色玉鬃金虎諸大夫欲
別不別留斯須沙明淺渚白鳥下酒盡落日青
山孤丈夫有淚不須洒去客掛帆君上馬悠悠
回首各東西惟見西溪捕魚者閩閩一片月太
行一片雲鴈書遠寄隔山嶽雲飛月明多憶君

贈別鷺峯上人并引

予遷官出閩過建陽會同年契世文墩
予至其家因登溪閣俄聞茂林脩竹間

有絃誦之聲詢世文乃靈山上人也頃
之相會閣上矍然如鶴悠然如雲出
兩作詩一快蕭然有林下風也予南出
閩世文亦將赴官編脩鷺峯送予溪上
徘徊顧望有不忍別意鷺峯湖南人本
姓歐陽靈其釋名鷺峯其自號乃座主
翰林侍讀歐陽之族雖緇流而其家學
有自云

建溪秋高山水清溪邊偶識衡陽僧臨水洗鉢
掛溪閣夜訪校書天祿燈聖經佛偈通宵讀首

著堆盤勝食肉回馬峯南難寄書武夷洞前堪
煮粥西風獵人吹水寒相送郎官南出關校書
公子玉京去衡陽上人何日還手中玉杖春雨
綠母乃湘君廟前竹胡不截作雙鳳簫吹作采
儀舜庭曲古曲雅以淡天高難上聞不如且拄
杖頭月歸卧祝融峯畔雲

送馬伯庸子之京

欲晴不晴天氣怪欲別不別人語難丈夫意氣
自磊落握手一笑心與肝南宮子弟吐金縷何
必樽前花解語樹搖暝翠下風涼燭落春紅剪

秋雨高歌痛飲如有神醉吐不惜車中茵明朝
送子上船去回首江南江北人

送韓司業

楊花落盡梅子青丹陽酒滿雙玉瓶使君買舟
渡江去落日淡、波漠、先生抱才登館閣東
壁文采光龍廷自憐落日江湖上為言蹤跡如
雲萍

蒲萄酒羹鱸魚味肥賦蒲萄歌

揚州酒美天下無小槽夜走蒲萄珠金盃露滑
碎白玉銀甕水暖浮黃酥柳花吹盡春江漲雪

花鱗魚出絲網
郎載酒過江來
開酒研魚醉
春晚世事反覆如擲蒲
會須一飲空百壺
淋漓宮袍亦奇士
夜起看對青燈孤

江南春次前韻

江南四月春已無
黃酒白醪紅櫻珠
吳姬小醉弄絃索
十指春雪如凝酥
池塘過雨春波漲
風捲揚花落蛛網
翠眉新婦歌春愁
白馬少年歸日晚
遊魚水淺出短蒲
誰家銀箭飛金壺
日長睡起翠陰午
簾外忽過流鶯孤

送鶴林長老胡桃一畧茶三角

胡桃殼堅乳肉肥
香茶雀舌細葉奇
杜鵑無物不可用
寄與說法談禪師
竹龍吐雪澗水活
茅屋煙炊樹雲薄
竹院深沉有客過
碎桃點茶亦不惡

寄省郎沙子丁

憶昔射策官明光
序列前後如鴈行
不才瘦馬走州縣
君已落筆中書堂
巍中書開大府宰
相出入勢如庸省郎
夜直殿燭長紫薇
花間月當午有人此
際猶未還
攻與士卒夜守關
風吹衣裳露被面
舉目只是水與山
嗟余同時異甘

苦何時逢君傾一語典衣為買小紅舟剪燭西
窓聽秋雨

夏夜積雨霽陰雲不收病坐南軒月復出
積雨已斂雲不明淡月忽出戶牖晴幽人開窓
看月色投入懷抱亦有情數宵相連尔何在應
駕老蟾出東海今宵見尔不得眠未脫人間文
兒態愛渠中夜雪滿庭照出斂顛山頭形何人
此際步微影玉堂珂珮風冷

連夜雨晴

石榴花紅細雨白江南四月天氣涼須臾雲散

忽晴色滿院花樹生幽香幽人抱病無可語日
出南窓看晴雨小兒造化多戲入世上俗子徒
勞神

題郭元二公畫壁

兩山出汶如馬頭爭奇角惟不肯休一山如龍
入雲去一山化作長江流峻嶒相雄不相下欲
向人間索高價塵中有客語如狂龍者可先江
者亞一笑上馬歸醉眠麴生使我多妄言酒醒
忽記夜來語先者姓郭亞者元
沈韻休上人見寄

山深樹密鳴鴉肥山人得句多清竒深沉竹院
白日靜焚香自禮天人師門前雨過岩花活涼
風蕭蕭袖衣薄狂隣卧病在江城懷抱思君空
作惡

復次前韻東龍江上人

山中酒熟黃鷄肥閉門索句何瑰竒何人剥啄
急如雨門前忽見黃冠師揮毫落紙龍蛇活愧
我無能才思薄欲師更洒柳楊枝瘡鬼林頭敢
為惡

夜坐贈秀才

青原故人貧且窮燕山野客疲且聾擁爐不覓
殘火白開窓忽見月明東乃知清景不可得
詩一笑衰頰紅夜深吹燭且睡去樓外落鴈呼
霜風

夜坐分韻得此字

逢冬亦欲鄉風舉客舍蕭條念閭里夜寒鐵馬
嘶北風漏下銅壺凍春水床頭斗酒復何為灯
下三豪猶在此明朝上馬氣如雲揮劍長歌為
君起

曉起

烏鴉啞、霜樹晴紙窓潑眼春雪明野人臥病
睡方起官街踏、聞馬行矮窓小戶坐終日煮
茶繞坐松風生明朝呼兒刷駿馬出門一笑青
天橫

賡眠字韻

去年走馬尋陽關五里十里逢烽烟孤臣泣血
紫塞外壯士倚劍青雲邊今年臥病在江海呼
兒夜讀歸來篇結茅松壁知何日飽聽一枕松
風眠

賡覆字韻

朔風吹帳滅前燭將軍夜擁貂裘宿玉關飛雪
入紫宮白髮孤臣守金屋近思往事良可悲世
事樽蒲多反覆古來宮殿說咸陽落日猿啼掛
枯木

送友人之金陵

陳郎買舟上金陵寒江水落風浪小飛帆遠掛
蔣山青空城畫角秦淮曉白門酒美香滿城吳
姬喚客、不行樓中子弟盡年少玉奴行酒吹
鳶笙陳郎不聽黃金縷朝走東吳暮走楚半生
落魄一布袍感慨長歌吊千古六朝遺跡生暮

烟故家荒塚迷花鈿鳳凰臺上酌李白何人知
子囊無錢

元子遊戲竹木

元君磊落誰與同秃筆一掃俗子空蕭梢瘦竹
卧踈雨槎枒老樹懸春風野人卧病在京口見
君此書心神融何人識此歲寒景為我進入蓬
萊宮

送惟英之淮安

江南木落天欲霜故人別我之淮鄉野人一月
病在床不能送子河之傍殷勤拂子衣上黃

子醉酒三百觴歲寒歸計不可忘吳門白髮送
相望

同友人揚子江送客

將軍之馬駿且雄葛仙騎之如遊龍金陵之酒
香且冽葛仙飲之豪興發馬上送客揚子津下
馬飲客金陵春主人上馬客已渡回首江南江
北人

題江鄉秋晚圖

沙頭潮下秋水枯雲山落日雲橫糊草堂遠近
路長驅蕭々行李行人孤蹇馱渡橋歸思急村

南村北天秋色何者相呼鷄犬声山前山後烟
樹立江風水面吹殘莎打魚小艇如飛梭何人
盪槳立船尾釣者船頭腰半駝小李將軍不可
作粉壁流傳愁剥落石門守者猶可竒桂杖敲
門索新跋京口綠髮參軍郎見君此盡心即降
携家便欲上船去買魚煮酒揚子江

為九江方七高賦

匡廬山中有佳士讀書結屋青雲松碧窓夜影
紫翠動落日照見香爐峯窺灯夜壁山鬼過采
蘭東徑仙人逢危簷隨雪听風竹古寺隔嶺聞

烟鍾每思幽絕動歸興歲晚落葉迷行踪扁舟
何日過湖口外我半壁青芙蓉

將至太平驛即興

上灘泊處無十里舟人鼓舞家喜到驛歡呼
如到家明日舟行復如此驛行傳食過年之何
日歸種淮南田玉堂馬雖云貴白酒黃鷄不
論錢

中秋月夜泛舟於金陵石頭城

秦淮流水西復東倒瀝天影磨青銅飛塵掃空
出海月明珠飛入琉璃宮着我扁舟二三友江

上雪槎汝牛斗笑語人間兩岸燈進君江上一
尊酒醉來起舞听浩歌宛如玉樹春風和世間
樂事古來少天下月明今夕多六代江山自滿
洒潮落潮生石城下人生得意當歡遊此月此
水年々秋

曉上石壁灘

龍溪三月入上船十里五里灘
聲喧浪花飛雪洒石壁船尾落月傾金盤
越見卧篙頭刺水露重布帆風不起
近山鍾動石樓中隔水鷄鳴烟樹裏
過江日之水與山詩人得速如得官
白雲

遙在太行北何日歸舟下石灘

過臨平

昔人五月臨平路汀洲藕花滿無數
此來三月過臨平雪白楊花捲波去
楊花捲盡藕花開今人古人俱到來
欲向山陰尋賀老酒船到處且徘徊

越溪曲

越溪春水清見底石罅銀魚搖短尾
船頭紫翠動清波俯看雲山溪水裏
誰家越女木蘭桡鬢雲墮耳溪風高
采蓮日暮露華重手滴溪水成

蒲萄盈、隔水共誰語家在越溪之上住蛾眉新月破黃昏雙槽如飛剪波去

紫溪道中

三月晦日春欲還深林百鳥鳴間關綠雲迷合紫溪嶺白雨遙掛烏石山山高雨落不到地萬壑千巖洒飛翠遠人送春千里歸風送監輿野花墜間關咫尺上青霄海上三山路不遙地僻題詩公事少芙蓉悵裏紫雲飄

和同年觀志能還自武昌詠

短衣匹馬走江侯山川歷々何雄壯漢陽風紫

角動洞庭水深鴻鴈果雪消巴蜀浪翻屋黃鶴幾下声如雷是時立馬夜呼渡清江若竹猿声哀

溪行中秋翫月并序

余乃薩氏子家無田囊無儲始以進士入官為京口錄事長南行臺辟為掾繼而御史臺奏為燕南架閣官歲餘遷閩海廉訪知事又歲餘詔進河北廉訪經歷皆奉其母而行以祿養也後至元三年八月望舟泊延平津是夕星河燦然

天無翳雲月如白日溪聲潺湲若奏樂
四山環抱如拱如立如侍左右奔走執
事者薩氏子奉母坐船上與其婦具酒
饋盤饌奉觴上壽繼而若妹若婿若婢
若僕以次而進和而不褻謹而怡之月
色蕩酒而溪韻雜笑談母懽甚至舟人
醉飲亦相與鼓枻作南歌而樂今夕何
夕不知奉親之在異鄉也嗟夫昔人所
謂官遊之樂不如奉親之樂實天樂也
薩氏子於是命婦盥爵滿以酒再拜為

母壽而作歌曰

龍津秋水涵太虛今夕何夕光景殊皓月當鏡
星貫珠河漢倒影垂平蕪微波漾風徐新
涼拂飄裙裾阿母今年八十餘清晨理髮雲
滿梳起居儼重天人如有子在官名在儒奉母
祿養南社區晨昏不忍離斯須荆楚燕趙閩粵
吳今年去官南海隅北上咫尺天子都官船輒
輒如安車阿母坐臥襟懷舒清晨夜泊不知拿
母在船上重褥鋪芙蓉映水搖艷能開甕酒熟
浮新蛆秋園摘菓兩剪蔬船尾曲突通行厨家

鷄水鴨美且腴鯉鯽鮮大如江鱸奉觴酌酒前
拜趁月波蕩酒如浮酥子為母壽婦壽姑阿姝
淡進借婿夫酌獻亦及婢與奴熙熙春盎無親
疎行禮有節俱歡娛阿母笑語情愉愉有婦右
策兒左扶舟人醉飽從歡呼鼓柁歌聲鳴
四山疊翠開畫圖溪瀨漱石如笙竽覆壺酒盡
村可酤盤饌狼籍溪可漁人生此樂更有無異
鄉到處同里閭惟期毋壽莊椿踰有子願效返
哺烏作詩記實無浮譽至元丁丑仲秋書

黯淡灘歌

長灘亂石如壘齒前後行船如附蟻逆端衝激
若登天性命斯須薄如紙篙者倒掛牽者勞攀
崖仆石如猿猴十步欲進九步落後灘未上前
灘遭上灘之難於上絕壁雖有孟賁難致力
灘名况復呼黯淡過客攢眉增嘆息下灘之舟
如箭飛左旋右折若破圍歡呼踏浪棹歌去晴
雪洒面風吹衣飛流宛轉亂石隘奔走千峯如
馬快賈客思家一夕還傳語灘神明日賽下灘
之易如盤走珠瞬目何可停斯須長風破浪
快人意朝可走越暮可吳迺知逆順有如此逆

者悲愁順者喜請君聽我黯淡歌順則流行逆
須止順者不必喜逆者不必愁人間逆順俱偶
尔且得山水從遊遊

雲際感興

昨日登芝峯甚晨陟雲嶺俯視城中居萬瓦落
深井風露洒人生秋寒飛泉落澗声潺湲荷輿
輒度脩竹石欄曲躋層巒層巒絕頂天尺
五我欲排雲擊天鼓九闕扃豹不須驚吐膽開
心見天語天鼓不可擊天門何日開請君听我
紫芝曲手招白雲歸去來

百禽歌

漢密將軍開大府門外紛々客如雨繁絃急管
耳厭聞要听山中百禽語購求走馬東海頭海
頭百禽声啾々疾飛苦走亦不免能言有色貽
身憂將軍縱使花作屋不似山林有真樂江南
白苧細於絲紫竹方籠作青幙鸞鳳在野麟在
郊太平將軍胡不招簫韶一奏百獸舞玉帛萬
國皆來朝嗟々百鳥何足錄日食將軍太倉粟
色衰身死螻蟻分不補將軍一鸞肉箇中鸚鵡
最能言不說與夫行路難萬山雨暗泥滑々不

如歸去聲亦乾行不得也哥之九關廂豹高嵯
峨行不得也哥之

雨傘

開如輪合如束剪紙調膏護秋竹日中荷葉影
亭雨裏芭蕉聲簌簌晴天却陰雨却晴二天
之說誠分明但操大柄常在手覆盡東西南北
行

梳頭樂府

紅綃捲袖搖劍聲摩挲睡眼窺秋菱陽臺夢斷
不知處一片烏雲愁欲傾一鈎新月掀雲起月

漸低流草韋地王織盤轉戲龍形寶釵壓定飛
鴉翅撩春撥曉誇自然黃金囊燕珠蟬白頭
老嫗低之笑不覺婆之二八年

燈草

天涯何處無青之玉孫去後藤蕪深瑤田手種
綠玉髮道是無情却有心此心未明人未識金
篦剖腹森如戟撮得一縷玉虫兒散作萬家紅
粟粒侯門珠網百面霞秦樓玉樹雙頭花慧燈
莫與群迷染正性何愁慾境遮韓堂風露光微
顫萬古聖賢對面面但勤挑剔不憚勞萬炬金

蓮紅藥院

胡桃

武陵仙子裙如血不肯洞中事幽絕東風吹佩
嫁西羌生子稜人剛似鐵道逢賈客懷故山遣
兒隨客東南選銅鈴破曉廣沙漠蠟彈絨愁度
玉闌瑤池阿母沉吟久何物外孫如此醜撒歸
鷓鴣不回頭欲啄無由堪下口誰知造化無秋
春人間粘搗中清淨請君剖破渾淪看會見滿
腔都是仁

草鞋

東家西家賣芒屨南州北州多岐路嚴霜烈日
太行坡斜風猛雨瓜州渡南人求利赴北都北
人徇利多南趨朝人迎送名利客身消薄非
良圖人負屨人負人草後土生復歸土人苦屨
不知所

繡鞋

羅裙習習春風輕蓮花帖秋
水擎双尖不露行復顧猶恐人
窺針線情縑雲隱暎籠新月花
影依稀襯香頰彩鳳將翔相顧
飛鴛鴦謾語愁舟裂落紅濕透
胭脂膩半幅凌波剪秋水莫教

踏破浣溪沙濕重東風擡不起

燈蛾來

燈蛾勞燈蛾勞粉其面錦其袍
逸燈不去千百遭忽然性命輕
鴻毛二鳥死百鳥號一獸死百獸
嗥尔為微物不自覺往來就死何
滴、燈雖滅燈復多蛾兮、奈尔何

燈蛾來燈蛾來逸燈不去飛徘徊
清光紅焰午夜開忽然性命隨
飛灰平生不傍太陽裏何故趁
炎來就死人生有情皆愛身何故
將身為戲尔

飛奴

雌雄相對鳴鳴、翅翎無異顏色
殊營巢寄養出人力安心飲啄還
哺雛借問何脩得如此世上群禽
那可比不疑不詐已恋人自去自
來人信已曉天空濶風日清離籠
衫袖相賣擊得時可展青雲志
回首無忘白屋情蒼鷹繫緊鶴籠
窄以身誤人穎愈力吁嗟此鳥得
人憐有性有情非一日

長門秋漏

上壺注水、縷明中壺激箭移銀
星銅龍寃轉

吐余毒悶殺長門不寢人情雲心上如火色淚
溽濕透銀蟾白三百六旬尚可支二十五聲消
不得何人夜扣相如靡千金買賦成句逢男兒
酒後多情思此意文君知不知

北人上塚

南人城南逢清明北人望北號哭聲人生何處
問南北春秋霜露俱含情天涯芳草何青
杜鵑口血花冥冥酪漿一壺麥一飯香火照日藏
流螢自言家住大河北閩嶺相望六十六血氣
尋之呼應聲音容皎皎常在目虛名薄利非良

國故山松栢號夜孤身有祿親不待親墳無
主見義草草低頭再拜盡血行路人情為慘切
紙灰低拂綠楊風盃酒澆成沙上月人言朝客
鐵心腸誰無半餉情傷宦遊既知離別苦何
如拂衣歸故鄉

拈荷

紅雲一葉何茫茫綠葉殘骨碎欲僵愁多不
覺秋來故池已夜淒新霜驚鷺相顧悲已泣
魚起身銀尺立堂中書客感秋風一六青衫紅
淚濕

春別

花氣厭塵心，愁掃細雨。長芳草，三釵燕尾。
剪春空，坐惜流年鏡中老。東風吹柳，春不知春，
嬌滿眼，顰眉。吳松錦字，夢中得曉，恁月落關
烏啼，南園日暖。蝶醉香霧，熏人海棠，曉朱門
小立，蹴金蓮，落紅。正春人淚。

南臺月

城南江上逢中秋，城下酒初裁。流長紅一道，
買秋色，中分百里江。江州信宿，消盡魚尾黑，空
鉤翻動三江白。水枯江中，收晴照見釣龍臺。

上客臺中之客，懷古心黃。河太華三登臨，今年
携月醉臺畔。越水越山為月吟，無諸城裏人如
海。無諸故塚埋殘，謂無諸臺上草離。龍去臺
空三十載，昔龍已去江悠。今龍雖在人未求，
懷珠豈立此臺下。要上黃金臺上鉤，乾坤四顧
渺空濶。詩書元氣行勃，合沙古識此其時。天
下英雄求一決，南臺月照男兒。面豈照男兒心
與肝，燕山買駿金三兩。斛萬里西風一劍寒。

征婦怨

有柳切勿栽，長亭有女切勿歸。征人長亭楊柳

自春色歲年送行客一朝羽檄風吹烟征
人遠戍居塞邊轡車馬去如箭錦衾綉枕難
留戀黃昏寂寞守長門花落無心理針線新愁
暗恨人不知欲語不言顰霍眉妾身非無淚有
淚空自垂雲山烟水隔吳越望君不見心愁絕
夢魂暗逐蝴蝶飛覺來羞對窓前月窓前月色
照人寒蓬鐘鼓夜未闌灯闌有恨花不結粧
臺塵慘恨班半生偶得一錦字道是前年戰
時苦一朝血并烟赦除腰間斜掛三珠虎妾心
自喜還自驚門前忽聞凱歌聲錦衣綉服歸故

里不思昔日別離情別離之情幾青草鏡裏容
顏為君老黃金白壁買嬌娥洞房只道新人好

春遊太真觀

東風惱人如着酒晚鶯啼斷門前柳青山忽然
契我懷飛上玄都十星斗綠雲弄雨小立久幾
片落花春在手遼東白鶴胡不歸松下丹鉛老
霜白

題二宮人琴壺圖

行雲留影雪弄香藕絲織翠芙蓉裳春風拂不
蘭蕙芳金殿不鎖雲鴛鴦冰絃素手彈鳳凰玉

壺投矢盡玳瑁花落無人春寂寂侍女空抱琵琶
豈應誰知絕代有佳人不解傾城與傾國笙歌
別院留春住嬋娟千古蛾眉妬却笑長門閉阿
嬌黃金好買相如賦

過桐廬

桐廬山水天下清洪濤拍岸山圍城桐君已乘
丹鳳去世間草木誰知情落日搖紅魚尾赤江
上潮回沙嘴立三三兩兩野人家半住漁村半
樵牧盡拋章甫求仙靈松間黃鶴喚不應阻風
三日看山色平生慣識枯枝藤碧桃海上開多

少幾度春風長瑤草白雲泮地才歸來石爛松
枯天地老

薩天錫詩集終



